

增補甘泉縣志

拾貳函

增修甘泉縣志卷十三

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

人物志忠節

漢蔣子文廣陵人漢末爲秣陵尉逐盜至鐘山爲盜擊傷其額死後吳主追封爲都中侯立廟祀之 明南畿志

梁來疑字德山廣陵人幼有奇節侯景陷臺城廣陵太守祖皓在城中將見殺疑乃說皓起兵討逆皓曰僕所願也死且甘心爲要勇士耿光等百餘人襲殺景黨董

增修甘泉縣志

卷十三

人物忠節

一

紹先及皓敗疑并兄弟子姪遇害者十六人 梁書

隋來護兒字崇善本南陽新野人漢中郎將歛十八世孫曾祖成魏新野縣侯後歸梁徙居廣陵因家焉祖疑步兵校尉秦郡太守長甯縣侯父法敏仕陳終於海陵令護兒未識而終養於世母吳氏幼而卓犖初讀詩至擊鼓其鏜踴躍用兵羔裘豹飾孔武有力因舍書歎曰大丈夫在世當如是以取功名安能區區專事筆硯也及長雄畧英遠涉獵書史不爲章句學侯景之亂護兒世父爲鄉人陶武子所害吳氏每流涕爲護兒言護兒直至其家引武子斬之賓客皆懼不敢動以其頭祭伯

父墓因潛伏歲餘會周師定淮南乃歸鄉里及開皇初  
宇文忻賀若弼等鎮廣陵並深相禮重除大都督領本  
鄉兵破陳將曾永以功授儀同三司平陳之役護兒有  
功焉進位上開府從楊素擊高智慧於浙江賊據岸爲  
營周亘百餘里船艦蔽江素令護兒率數百輕艦徑登  
江岸直掩其營破之賊潰散護兒追至泉州智慧窮蹙  
遁走閩越進位大將軍除泉州刺史時盛道延擁兵作  
亂護兒進擊破之又破汪文進於黟歙進位柱國仁壽  
三年除瀛州刺史賜爵黃縣公大業六年從駕江都賜  
物千段令上先人冢宴父老州里榮之數歲轉右翊衛

大將軍遼東之役護兒率樓船指滄海入自涇水去平  
壤六十里與高麗相遇進擊大破之乘勝直造城下破  
其郭郭明年又出滄海道師次東萊會楊元感作逆勒  
兵與宇文述等擊破之封榮國公十年又帥師渡海至  
卑奢城高麗舉國來戰大破之斬首千餘級將趨平壤  
高元震懼遣使上表請降尋有詔旋師轉左翊衛大將  
軍開府儀同三司江都之難宇文化及忌而害之長子  
楷以父軍功授散騎郎朝散大夫楷弟弘仕至果毅郎  
將金紫光祿大夫弘弟整武賁郎將右光祿大夫整尤  
驍勇善撫士擊羣盜所向皆捷賊甚憚之爲作歌曰長

白山頭百戰場十五五把長槍不畏官軍十萬眾只  
畏榮公第六郎化及反皆遇害惟少子恒濟獲免

隋書

唐來濟江都人護兒少子也宇文化及之難濟以幼得  
免轉側流離篤志爲文章善議論曉暢時務入唐擢進  
士累官同中書門下三品封南陽縣男遷中書令高宗  
將以武氏爲后濟諫曰王者立后以承宗廟母天下宜  
擇禮義名家幽閒令淑者副四海之望稱神祇之意武  
氏立銜之顯慶初兼太子賓客進爵爲侯二年兼詹事  
尋坐褚遂良事貶台州刺史久之徙庭州龍朔二年突  
厥入寇濟總兵拒之謂其眾曰吾嘗絿刑網蒙赦死今

增修甘泉縣志

卷十三

人物忠節

三

當以身塞責遂不甲冑而馳敵歿焉贈楚州刺史

唐書

宋張琰廣陵人倜儻有節槩宋末補州牙兵隨制置使  
李庭芝潰圍赴行在爲追兵所及力戰死琰能詩皆忠

憤所發

明南畿志

吳駿發江都人少遊鄉校常有投筆志李全擁眾攻揚  
州郡守募良家子守禦駿發應募賊平補將校後以戰  
累遷鎮江右軍統領元兵據盱眙賈似道遣兵攻之駿  
發爲前鋒先登將一鼓而下會元援兵至駿發死之

明南

畿志

明郭任江都人建文時爲戶部侍郎靖難兵至被執不

屈死裔孫允甯進士官御史

萬曆府志

續藏書任丹徒人萬曆府志載入江都因之  
張恒江都人世襲揚州衛指揮使恒長身廣顙負膽畧  
能拊士卒累官淮揚參將致仕嘉靖丙辰倭由通泰犯  
揚州撫按卽家起之賊薄城而攻恒與千戶羅大爵百  
戶曾沂率兵禦之賊設伏教場後門以數人挑戰伏發  
恒與大爵沂皆及于難後賊平以恒非見任官不以聞  
萬曆間巡撫白其事始以恒從祀報功祠春秋予祭

嘉靖

維揚志

陳輔堯字九室江都人萬曆中舉于鄉令歸善考績以

增修甘泉縣志

卷十三

人物忠節

四

天下第一清官擬授御史既而改牧膠州有餽山繭者  
受而懸之公署陞永平府同知甫至任經畧檄赴瀋陽  
印馬我

朝兵至瀋陽從者諷之急去輔堯曰孰非封疆臣奚去  
爲引佩刀自刎以死事聞贈按察使司僉事諡忠烈建  
祠于江都西門與高邦佐並祀稱雙忠

本傳

高邦佐字以道襄陵人隨父業鹺于揚萬曆二十三年  
成進士歷官薊州道終養歸天啟初起參政分守廣甯  
值熊廷弼王化貞構隙邦佐知事必敗乞歸方報允而  
化貞棄廣甯走眾謂邦佐可入關邦佐叱曰吾一日未

去則一日封疆臣也將安之夜作書訣母策騎謁廷弼請授兵赴難廷弼不納邦佐仰天長歎泣語從者曰松山吾守地當死此汝歸報太夫人遂解印綬自經僕高永亦自經於側事聞贈太僕寺卿諡忠節 同上

續志考正邦佐選舉進士舉人中並失載

王道隆字萱生江都人天啟甲子舉於鄉除壽州教諭以端亮範士陞濱州知州治訟允明他邑咸質成焉壬午冬流寇至濱陷道隆身被數創慷慨不屈死家屬十餘口俱被難及櫬歸濱之士民哭送數十里外立祠表其忠 康熙府志

增修甘泉縣志

卷十三

人物忠節

五

高孝誌字仲達江都人尙書銓之曾孫天啟丁卯舉於鄉授豐縣教諭陞信陽知州時流賊橫熾楚豫間歲復大歉人相啖孝誌竭橐糴穀以賑又晝夜設守備防不測監司王瑄恣睢乖戾更置孝誌所部署命弛備以撫賊孝誌力爭不得未幾賊舉火登陴城潰孝誌方率眾巷戰賊已踞州堂矣縛孝誌逼降罵賊不屈死事聞贈河南布政司參政蔭一子入監祀名宦鄉賢 同上

郝景春字和滿江都人舉於鄉署鹽城教諭坐事罷歸起陝西苑馬寺萬安監錄事量移黃州照磨攝黃安縣事甫三日羣賊掩至堅守八日夜始解去崇徵十一年

擢房縣知縣羅汝才率九營之眾請降于熊文燦文燦受之汝才猶豫景春單騎入其營偕汝才及其黨白貴黑雲祥歃血盟汝才乃詣軍門降分諸營于竹谿保康上津而自與貴雲祥居房縣之野當是時鄖陽諸屬邑城郭爲墟獨房賴景春拊循粗堪自守及大眾雜處居民日惴惴景春乃與主簿朱邦聞守備楊道選內修守具外輯諸營明年五月張獻忠反穀城約汝才同反景春子諸生鳴鸞力敵萬夫謂父曰吾城當賊衝而羸卒止二百城何以守乃擐甲詣汝才曰若不念香火盟乎慎毋從亂汝才佯諾鳴鸞覺其僞歸與道選授兵登城

而獻忠所遣前鋒已至擊斬其將上天龍遣使縋城乞援于文燦凡十四不報已而獻忠騎大至守者見獻忠兵白幟汝才兵赤幟俄二幟相雜環城力攻貴雲祥策馬呼曰以城讓我保無他也獻忠又以張大經檄諭降景春怒大罵碎之鳴鸞且守且戰閱五日賊多死乃負板穴城城將崩鳴鸞熱油灌之又擊傷獻忠左足殺其所愛善馬乃用間入賊壘陰識獻忠所臥帳將襲擒之指揮張三錫啟北門揖汝才入道選巷戰死大經使汝才說景春降怒不答汝才問庫藏儲蓄安在叱曰庫藏若有物城豈爲汝陷賊怒殺一典史一守備恐之卒不

屈與鳴鸞俱被殺僕陳宜亦死之邦聞及其家人並不  
屈死事聞贈景春尙寶少卿建祠奉祀道選等亦贈卹  
已而帝召見輔臣賀逢聖備述其死事狀改贈太僕少  
卿三錫後爲官軍所獲磔死

橫雲山人史稿

古道行江都人崇徵辛未武進士慷慨任俠行兵按司  
馬法以參將守駱馬湖庚辰寇至道行帥兵禦之戰累  
勝援師不至竟歿于陣

同上

梁于涖字飲光江都人崇徵癸未進士知萬安縣蒞任  
甫一月大兵下萬安于涖自投于縵家人救之不死  
又投江爲邏者所獲囚之南昌獄幅巾布袍談笑賦一

增修甘泉縣志

卷十三

人物忠節

七

詩自經死其詩云但知生富貴誰識死功名到頭成箇  
是方見古人情時家奴梁善杜忠龔明張聰聰婦徐俱  
從死孫嘉稷工詩文嘗遊滇南爲士人推重著萬里遊

集自號灞陵山人

家傳

韓鼎新字煥然江都人以明經授浙江某縣教諭城破  
公服縊堂上死

康熙府志

楊廷璧字荆璞江都人以貢生授舒城教諭賊張獻忠  
寇邑壁分守西門語縣令曰予職非守土今日之事義  
不可辭萬一不守張許吾師也鼓勵軍士嚴守三晝夜  
矢石皆盡城陷被執罵賊遇害子生員濟之殉父死

同上

饒餘字吉人江都人性至孝父母歿家貧葬祭不能成禮每讀書至夜分則哭哭已復讀聞者爲之泣下乙酉城破自縊年三十六先餘聞李自成陷京師慷慨激烈憤不欲生至是竟死

同上

韓默字文適先世臨汾人家揚州補江都縣學諸生揚州城破時默急歸謂妻蕭氏曰吾讀聖人書當以義死不可苟活若自爲計乃易儒巾服襴衫皂繚鞞遂墜井死長子彥超亦墜井死蕭與女皆自縊另有傳越一年居人有浚井者出默尸面目如生衣冠整潔惟左手損小指左足脫一鞞而已家人伏尸哭左鼻忽出血人皆

增修甘泉縣志

卷十三

人物忠節

八

驚異乃棺殮以葬焉

王巖異香集

高孝纘字申伯江都諸生城破書衣衿曰首陽志睢陽氣不二其心古今一致入學宮自經先聖座前

本傳

王士琇揚州諸生設莊烈帝位泣拜與其弟同縊

本傳

鄭爲虹字天玉江都人崇徵十六年進士除浦城知縣唐王道浦城知其才立召爲御史部民相率乞留有十不可去之疏乃令以御史巡視仙霞關駐浦城尋令巡撫上遊四府兼領關務鄭芝龍步將奪民舟爲虹叱責之芝龍訴于王王爲諭解然是時芝龍已懷異志盡撤守關將仙霞嶺二百里遂無一人順治三年八月

大兵長驅直入爲虹亟還浦城縱士民出走自守空城

無何被執與給事中黃大鵬並死之年二十有五

橫雲山人

史稿

附載同時殉難者

胡如琯字卽公桐城諸生淵雅有器量史可法鎮揚州

辟爲書記露布封事皆出其手可法誓以死報國如琯

亦義不忍負城破與可法俱死

龍眠風雅集

宋祥遠字玄來少補諸生居恒以氣節自負城破同妻

某氏雙縵縊於庭

生員汪自盤同妻蔡氏投井死

增修甘泉縣志

卷十三

人物忠節

九

邵伯諸生張映發投井死

汪應坤自縊死子銓觸石死

諸生劉慶遠投江死

指揮高一麟自刎死

諸生金颺衣衿同妻某氏對縊死越八日面如生

諸生王廷珮同弟廷連廷瑜飲酒從容題壁作大書笑

談自縊死

諸生呂家齊投新橋河下死

王纘字伯綿績字亞綿績字叔綿兄弟三人並縊死於

家

武生戴之藩殉義死

史大相大儒兄弟皆邑諸生城破大相先縊死大儒巾服拜辭父抱兄屍而死

陳三益字友三投水死妻張氏貞操三十年

陸某史可法吏自縊死

醫生陳天拔殉義死

畫士陸愉死義

市民張有德自殺

舟子徐某死于水

國朝董潏字禹門江都人恩貢順治三年隨征福建以功

增修甘泉縣志

卷十三

人物忠節

十

授沙縣知縣時閩疆初定潏善撫字百姓安之四年有山賊羅某與妖僧米逢年共爲亂羅賊來寇沙潏屢出戰屢敗之賊環攻三閱月不退潏守益堅一日賊攻東門潏并力禦東門而逢年誘縣丞黎某開西門納賊潏急令其子亦舒婿張思治率家丁五十三人與賊巷戰并死焉潏被執罵賊甚厲賊怒叢射之仍割其頭去妻葉氏抱一歲孫齎匿民舍間以免事聞於

朝贈潏福建按察司僉事賜祭葬墓在甘泉山孫長蔭知

縣歷馬湖府知府 雍正縣志

續志考正董潏蔭襲內長作齎

孫之烈字式武揚州人武進士官江西都指揮

國初調征楚寇至鄱陽上蘭力戰俘馘無算以援兵不至死之士人王紳有悼忠歌紀其事 以上原志

丁光國字錦章江都籍乾州排補美巡檢乾隆乙卯羣苗煽動焚掠上官發兵討之光國身入其巢欲解散之而不得遂殲焉妻蘭氏攜印及四歲兒榮泰逃入郡中途忽遇一苗婦奪榮泰去比蘭至而兒亦在詢之其婦嘗給事巡檢署感蘭氏恩懼兵火中攜帶不便代爲保護也大吏上其事祀昭忠祠世襲雲騎尉長子長泰嗣以事斥榮泰襲 以上續志

增修甘泉縣志

卷十三

人物忠節

十一

孝廉方正監生羅士琳咸豐三年賊犯揚州郡城失陷具衣冠至明倫堂受害妻孔氏子亨輔媳金氏孫女大姑二姑俱被殺 給雲騎尉文苑另有傳

布政司經歷銜蔣用濟被殺

布政司理問銜黃承錫與妻張氏長子知州銜潤孫開甲子瀛妻陶氏孫女押姑順姑俱絕粒死 贈承錫知州潤道銜

布政司理問銜吳憲章與姪嘉棣俱被殺姪婦俞氏姪孫女五姑俱絕粒死 給雲騎尉

布政司理問銜蔣莊與妻卞氏僕秦某僕婦任嫗俱絕

粒死 贈知州

候選州同劉淇絕粒死又有諸生沂妻皮氏諸生鈺妻韓氏婢翠子俱殉難 贈淇知州

候選縣丞汪麟兆被殺妻倪氏從弟長清從姪儒童桂儒童榮僕丁長林曹二俱絕粒死 給雲騎尉

八品銜劉成鈺與妻陳氏妾談氏從弟八品銜成基鹽運司知事銜成均俱絕粒死 贈成鈺成基俱布政司都事

八品銜左萬章與妻趙氏兄妾戎章側室陳氏姪榮達姪婦史氏子婦榮達室厲氏俱絕粒死姪孫振甲焚死

增修甘泉縣志

卷十三

人物忠節

十一

贈萬章布政司都事

八品銜葉青與妻劉氏弟從九品銜森弟婦翟氏子壽齡姪昌彭椿慶安姪女大姑小姑僕婦方王氏俱絕粒死 贈青布政司都事森鹽運司知事

八品銜劉瑞林絕粒死 贈布政司都事

從九品徐維康與妻趙氏俱被殺兄維周弟維封俱絕粒死 給雲騎尉

從九品吳祖渠絕粒死 贈鹽運司知事

從九品仇崇華與妻鄭氏俱絕粒死 贈鹽運司知事

從九品史康服毒死 贈鹽運司知事

從九品徐修立絕粒死 贈鹽運司知事

從九品李楷與妻宗氏長子諸生嘉榮次子正照長子  
婦王氏孫女大姑俱絕粒死 贈楷鹽運司知事

從九品銜劉發增絕粒死 贈鹽運司知事

從九品銜徐增爵被殺 給雲騎尉

從九品銜高濟遠與叔母節婦汪氏俱絕粒死 給雲

騎尉

從九品銜吳湘舟絕粒死 贈鹽運司知事

從九品銜王政被殺 給雲騎尉

從九品銜趙同懷被戕死 給雲騎尉

增修甘泉縣志

卷十三

人物忠節

十三

從九品銜張麐絕粒死妻陳氏長子震東次子諸生旡

榮媳陳氏曹氏女三姑孫慶熙福熙孫女和姑僕婦徐

范氏許杜氏俱殉難 贈麐鹽運司知事

都事銜張忠武與妻汪氏俱絕粒死

千總銜虞廷幹被撻死母從九品銜嵩年室朱氏媳儒

童澄室汪氏戚沈朱氏俱殉難 給雲騎尉

千總銜楊詔時絕粒死

職員張履齋絕粒死

恩貢生胡昌齡絕粒死子武生世椿諸生世庚自焚死

子婦程氏諸氏孫守豫絕粒死

廩監生宣景春與子諸生金榜俱絕粒死

廩生陸銘父監生兆均城陷後死妻吳氏絕粒死銘取  
大石擊賊首賊怒碎其屍而死同居陸衡山妻魏氏亦  
絕粒死

廩生薛傳壘與妻高氏子諸生孝銘俱絕粒死

廩生楊成璧絕粒死

增生張燿被殺

增生朱紹芬與妻鮑氏俱自縊死

府學諸生朱錫光絕粒死

府學諸生蒯徵時被殺妻畢氏女三姑俱絕粒死

增修甘泉縣志

卷十三

人物忠節

十四

府學諸生王思祖被殺

府學諸生劉宗芸絕粒死

府學諸生王兆泰與繼母從九品銜在朝室佟氏妻陳

氏孫登鼈僕婦呂高氏俱絕粒死

諸生巫文煥與子儒童宜勗子婦張氏俱自焚死

諸生湯錫祺與妻柳氏俱絕粒死

諸生喬鴻勳與弟鴻烈鴻熙俱被殺

諸生董銘與妻薛氏俱絕粒死子儒童步墀投水死

諸生汪杰與母候選中書科中書舉人炳生室于氏妾

李氏弟婦鎔室徐氏從弟監生久照俱絕粒死

諸生薛傳圻與母諸生家模室馬氏妻許氏俱絕粒死  
子侑生孝曾投水死孝思墜城死

諸生張文燦被殺母某氏跌死妻周氏子某女大姑俱  
投水死

諸生王桃與父餘堂母劉氏俱絕粒死

諸生汪鎧與妻郭氏絕粒死叔母從九品銜坦室李氏

弟兆璜妻郭氏投河死弟兆鈺被擊死

諸生吳祖綸絕粒死兄祖經遇害

諸生程廉絕粒死

諸生桂炘絕粒死

增修甘泉縣志

卷十三

人物忠節

十五

諸生張采絕粒死

諸生胡長福與妻張氏俱絕粒死

諸生譚潞與妻某氏俱被殺

諸生吳慶恩被殺

諸生傅純仁與母鶴齡室饒氏妻張氏妹附監生鄭應

庚室傅氏出繼兄胡積之妻張氏姪女換姑俱絕粒死

監生韓應樞與妻郭氏俱被殺母易氏絕粒死

監生王秉鋆與子諸生榕子婦唐氏俱絕粒死

監生陳志雅與妻林氏俱絕粒死

監生王肇安與子諸生瑞庠僕婦陳嫗俱絕粒死

監生詹煜與妻周氏女大姑二姑俱絕粒死

監生焦以紘與妻黃氏弟監生以紱俱絕粒死

監生郝旭堂與子光祖俱被殺

監生汪介石與弟肇堂俱絕粒死

監生顧沅被殺妻萬氏長子侑生玉立次子玉衡長子

婦曹氏孫新孫祥孫女瑞徵俱絕粒死

監生常力勲與妻何氏姪侑生良田姪孫儒童敦禮僕

董浩俱絕粒死

監生王履福與妻楊氏女大姑二姑俱絕粒死姪孫瑞

齡被殺

增修甘泉縣志

卷十三

人物忠節

十六

監生周載揚絕粒死長子儒童雲被擊死次子松元長

女鳳英孫寶昌寶興俱絕粒死三子松濤次女鳳蘭俱

焚死

監生楊亮絕粒死

監生張潮增與妻黃氏俱絕粒死妾萬氏自縊死

監生朱錫中被殺叔母諸生經甲室何氏女吉姑三姑

四姑俱服毒死

監生李棠與妻許氏俱絕粒死

監生李粹被殺

監生孫學英與子諸生士桂媳曹氏子士熒媳汪氏子

士和媳江氏孫德祥德祉永齡孫女巧姑俱絕粒死  
監生史杞齡與妻阮氏子德增媳顧氏孫大喜小喜才  
子蔭生俱自縊死

監生吳應爵與妻王氏子金榮俱絕粒死

監生熊繼善與妻王氏子儒童世珍俱絕粒死

監生王彭齡與子文錦媳晉氏女大姑二姑孫女小姑  
婢招兒俱自縊死

監生李文祥被殺弟文輝嫂王氏妻左氏姪增保姪女  
霖姑俱絕粒死

監生朱承緒與子膺耆俱絕粒死

增修甘泉縣志

卷十三

人物忠節

十七

監生吳桂林與母職員茂堂室石氏妻孫氏弟婦忻室  
夏氏俱絕粒死

監生黃杓與妻張氏俱絕粒死

監生薛菊書與母節婦尹氏俱絕粒死妻胡氏自縊死

監生吳履陞被戕死妾黃氏自縊死子從九品世銘儒  
童世錦俱服毒死

監生柳鏞與弟諸生鎔子應沅孫寶善姪孫寶恩寶馨  
俱絕粒死其妻周氏與弟婦趙氏子婦張氏姪婦巴氏

孫女寶華寶珠寶釵寶翠亦絕粒死

監生譚肇謙與本生母陳氏俱絕粒死

外獎八品銜程佩鳴運署書吏被戕死子松南觸地死  
佾生王棟全家絕粒死

儒童沈慶與母玉堂室杭氏弟春俱絕粒死

儒童李昀與父岫俱被殺

儒童居易與妻陳氏子承宗俱自縊死

儒童曹咸與兄啟裕俱自縊死

儒童周杞與妻韓氏子蔚炳姪有慶女壽姑俱絕粒死

儒童范長馨與妻某氏俱絕粒死

儒童喬厚增絕粒死

儒童許長源與妻常氏妹長姑俱絕粒死

增修甘泉縣志

卷十三

人物忠節

十八

儒童黃恆瑞與母州同銜寵懋繼室吳氏叔母千總銜

濬餘室王氏諸生寵恩室許氏嫂從九品銜恆祿室陳

氏姊二姑先後服毒死

儒童孫文德與母吳氏俱絕粒死

儒童史毓謙自縊死

儒童吳均絕粒死

儒童王廷瑾被戕死族弟廷德弟婦周氏族姪長文族

姪女松姑河姑戚方惠坡同妻吳氏俱殉難

儒童王之淮與妻朱氏弟之濬弟婦喬氏姪嘉桐嘉桂

並幼女四人又弟婦杭氏戚周李氏汪盛堂戴殿王萬

林俱殉難

儒童李觀成與弟觀宿姪女玉姑僕婦王丁氏俱殉難  
儒童孫德禧與弟某從弟德福祖母監生學毅室王氏  
伯母儒童士椿室丁氏母儒童士林室程氏姑母二姑  
妹汝姑從妹福姑僕婦李葛氏先後絕粒死姑母蔣孫  
氏及子蔣蔭淇蔣某寄居其家亦絕粒死  
儒童王廷璽與母蔣氏俱投井死弟廷璧廷璋妹廷鈺  
俱絕粒死

儒童蕭成慶與母遂初室劉氏俱絕粒死

儒童沈師謨祖母附貢生雲襄室陳氏絕粒死生母倪

增修甘泉縣志

卷十三

人物忠節

十九

氏自戕死師謨與孀母從九品鏗室程氏自縊死

儒童薛榮桂被殺庶叔母布政司理問銜啟恆側室張  
氏妻劉氏從弟大名從姪增善大全二全三全俱絕粒  
死

儒童陳如松與母州吏目銜彭齡室傅氏長子淮俱絕  
粒死次子漢投井死漢妻趙氏亦絕粒死

儒童高廷樞與生母黃氏嫂翰林院庶吉士廷棟室汪  
氏妻巫氏俱絕粒死

儒童劉振齡被殺族劉天壽絕粒死

周守源督署書吏與母監生赤忠室薛氏弟守本俱自

縊死

姚立三督署書吏與妻周氏女素玉俱絕粒死

宋長庚運署書吏巷戰被傷絕粒死其姪婦等俱殉難

莊愷運署書吏絕粒死

陳維周運署書吏與妻曹氏妾某氏子某女小姑俱絕

粒死

倪馥運署書吏被害

史觀成運署書吏絕粒死

徐杏春運署書吏與嫂馬氏俱絕粒死僕婦徐瞿氏被

殺

增修甘泉縣志

卷十三

人物忠節

二十

蔣恕亭運署書吏與妻薛氏俱絕粒死

俞福生運署書吏與女愛姑毛姑俱絕粒死

劉錦運署書吏絕粒死

經兆麒運署清書與妹項經氏同居俱自縊死

田普元運署清書絕粒死

汪麟洪道署書吏與嫂蒯氏妻楊氏子檉棟俱絕粒死

胡倬府署書吏被殺

劉煥襄甘泉書吏被殺

姚君弼甘泉書吏與妻貢氏子某女大姑二姑俱自縊

死次子某投水甕死

郭兆燾甘泉書吏絕粒死

李懷書甘泉書吏絕粒死

梁瑤池甘泉清書與同署馬長松俱被殺其妻梁吳氏并戚吳學山呂吳氏談王氏俱自縊死

湯松年甘泉典史署書識不屈死其戚盧家珍絕粒死

薛大魁與母府學武生天彪室陳氏俱絕粒死

齊寶珪與弟寶琬俱絕粒死

徐上達與母朱氏妻李氏女大姑俱絕粒死

任鑑恆與弟炳恆妹順苟三順俱絕粒死母王氏外祖

母王柏氏妹順弟僕婦溫劉氏俱被殺

增修甘泉縣志

卷十三

人物忠節

二十一

巴光寵與母鄭氏弟毓卿弟某妹長姑俱絕粒死

李承天與妻張氏子振祥振祐振祜振祜女大姑俱絕粒死

汪樽絕粒死妻金氏子惠恩女福姑喜姑俱自縊死

戴本貽與弟本興姊彭戴氏甥彭遐年寄居夏戴氏俱絕粒死

吳萬德被殺弟萬元跌死

趙聯璧絕粒死母祥齡室劉氏自縊死弟聯熙聯珠俱絕粒死

符紹明絕粒死子春生春和姪士魁俱被殺子婦晏氏

女王之鎔室符氏俱絕粒死

王士明與弟士照弟婦士旭室程氏士昇室苗氏士照室劉氏俱絕粒死姪定生慶生俱被擊死姪婦連生室

林氏慶生室陳氏俱自縊死

孔廣山與妻韓氏女小姑俱自縊死

倪馥堂自縊死母燦室吳氏被殺

陳億生與母瀚江室周氏妻梁氏俱自縊死

朱致祥與妻陳氏俱絕粒死

仇照與妻談氏媳培室吳氏俱絕粒死

鄭醕與母雲山室劉氏聘妻吳氏妹留姑僕婦張錢氏

增修甘泉縣志

卷十三

人物忠節

二十二

俱絕粒死僕高二亦絕粒死

戴榮與嫂查氏妻卜氏俱絕粒死

張承吉與祖母殷氏母陳氏姊俊姑俱絕粒死

江鎮與妻李氏俱絕粒死

陳仁輔與弟諸生兆生自焚死母劉氏自縊死

杭寶齡與祖母喻氏姊敦齡俱絕粒死

柏祥泰母陸氏絕粒死祥泰與妻方氏被殺弟婦楊氏

弟妾王氏子婦李氏姪婦呂氏姪妾金氏投池死姪婦

韓氏自戕死

王彭齡與母職員葦堂室黎氏俱自縊死

潘爾福與妻繆氏俱投河死

顧鏡泉自縊死妻余氏絕粒死

陸瑞祥與父起泰子長松鄰人呂烈孝等謀約官軍攻

城謀洩全家七口被殺

孫桂林與嫂黃氏子世幹俱絕粒死叔母郁氏從弟桂

榮弟婦華氏僕婦林嫗俱被殺店夥蔣三亦被殺

高立銓與子元復絕粒死其嫂立銘室黃氏側室丁氏

子元江子婦黃氏庶子元潮孫焜孫婦曹氏孫女鍋姑

俱絕粒死

方昌偉與母貞福室程氏弟昌位俱絕粒死

增修甘泉縣志

卷十三

人物忠節

二十三

吳永華與子應徵俱絕粒死

吳兆麟被殺弟兆祥自縊死妻楊氏絕粒死

蔡永元與妻吳氏子成名俱絕粒死

王善長被殺姪德容姪婦陳氏俱絕粒死姪孫婦高氏

姪曾孫女兆姑被殺

俞良材與妻某氏子昆玉俱被殺

潘二連絕粒死祖母思勇室馮氏母學仁室劉氏叔母

學禮室柏氏胞弟三連四連從姊押姑從弟增福小福

俱絕粒死叔母學義室馮氏自縊死從姊金姑被殺

徐錫九一門男婦七口俱被殺

胡慶元與母永泰室劉氏姊大姑子春陽俱絕粒死

胡廷望與弟廷瑞俱被殺弟婦某氏絕粒死

張維隆自焚死子永盛絕粒死

范聲洋與母蔣氏妻湯氏弟登仕子用仁俱絕粒死

李三與子某俱被殺

吳樹滋一家十口俱絕粒死

余永康與弟永和俱絕粒死

譚大椿與弟大林大楷俱絕粒死

韓元禧與母松林室姜氏嫂元祿室嵇氏妻李氏子天

壽姪婦壽春室葛氏姪孫鎖兒俱絕粒死

增修甘泉縣志

卷十三

人物忠節

二十四

魏殿英絕粒死妻常氏子某俱被殺

于成林與妻龔氏子鈴俱絕粒死

王金聚絕粒死子長慶被殺

竇天申絕粒死子緒昌自盡

王邦配絕粒死弟邦衣亦殉難

金耀章絕粒死妻毛氏子榮旺榮富榮貴俱被殺

程維綱與子文鈺俱絕粒死

倪兆魁與子長德俱絕粒死

王巨川與弟旭東弟婦周氏俱絕粒死

吳鎮海被殺母嚴氏姊英姑妹荷姑弟順和俱絕粒死

陳謨與母姚氏弟炳弟詒俱絕粒死

王德昌與子榮壽俱絕粒死

李世華與妻袁氏子壽康子婦劉氏孫小六俱自縊死

李邦俊被殺弟邦安妻徐氏女芷姑蘭姑俱絕粒死

韓景象絕粒死子永慶永昌俱被殺

張景富與母陳氏弟錦桂妹邵張氏俱自焚死

姚鳴臯與子文元俱絕粒死

甘霖霖全家被殺

宗某全家自焚

陳治全家絕粒死

增修甘泉縣志

卷十三

人物忠節

二十五

蔡某全家九口俱絕粒死

談超級與子世熙子婦季氏孫二人俱絕粒死

孫永寶自縊死子某投井死

陳茂亭絕粒死妻周氏族姪新衍姪婦談氏俱被殺族

嫂鄒氏姪孫蔭槐應桂應桐姪孫女大姑僕周元郭大

俱絕粒死

汪肇祥與媳興開室王氏孫恆源孫女大姑二姑三姑

俱絕粒死

袁台瑞與妻許氏子某女大姑俱絕粒死

林萇與弟松俱絕粒死

涂長壽與母張氏姊大姑弟長庚妹小姑俱絕粒死

王興祿與子遐森俱被殺

周正興與妻某氏女大姑子某子婦卜氏俱自焚死

吳長泰與妻某氏子某女大姑俱投河死

李廷球與妻吳氏長媳汪氏三子某俱絕粒死

陳遇如與母吳氏妻吳氏長姪婦徐氏次姪正初女大

姑二姑孫女小姑幼姑細姑俱絕粒死姪女次姑姑跌死

耿松元與姪廷球俱被殺

談佩章與妻黃氏子某女大姑俱絕粒死

陳忠仁與母劉氏妻劉氏子扣保喜保女年姑俱絕粒

增修甘泉縣志

卷十三

人物忠節

二十六

死

蔣松田與妻王氏姪二人姪女小姑俱絕粒死

談近山與子某媳某氏孫某孫女大姑俱絕粒死

李應燦與母王氏妻劉氏弟應華俱絕粒死

吳廷灝與子婦李氏孫長壽俱被殺

張應全與弟長貴俱絕粒死

王春榮與妻巫氏子某俱絕粒死

朱得之與妻張氏子鎔俱絕粒死

許桂芳與子某俱絕粒死

王履安被殺弟遠恆女大姑絕粒死姪樹棠自縊死

江錦沛全家絕粒死

朱國才與妻王氏子長福俱絕粒死

蔣兆蘭與弟兆魁俱絕粒死

尹佩元與妻某氏子某俱絕粒死

徐明亮與妻陳氏子三寶女才姑俱絕粒死

杭文濤與子廷棟廷標俱絕粒死子婦王氏孫汝生俱

自焚死

林長松與父某俱被殺妻李氏投水死

陳如泰被擊死弟如山被殺嫂如松室張氏姪小穩俱

絕粒死

增修甘泉縣志

卷十三

人物忠節

二十七

胡得榮與妻某氏女大姑孫某俱絕粒死

杜有堂與子某俱絕粒死

陳正大被殺弟正之弟婦張氏姪平安俱絕粒死新采

又有姪錫藩錫爵俱殉難

常元堃與母楊氏僕婦王嫗俱被殺

方春圃與兄春源女登姑俱被殺母蘭椿室朱氏嫂張

氏俱絕粒死

徐寶慶被殺母春元室滕氏絕粒死

卜匯川與妻吳氏俱被殺

譚永泰與妻吳氏俱絕粒死

蔣長慶與女換姑俱被殺

陳麗泉母某氏自縊死麗泉爲賊所醢

王樵衫被殺弟婦劉氏子婦孫氏俱絕粒死

吳庭桂被殺母淮室吳氏從母袁李氏俱絕粒死

吳今按庭

桂吳恐袁之誤

黃淦與妻顏氏俱被殺

沈世芳與叔母呂氏從妹大姑從弟婦徐氏楊氏俱被

殺

劉春元與母施氏妹王劉氏甥女潘大姑二姑俱自縊死

增修甘泉縣志

卷十三

人物忠節

二十八

李文鑄投井死母渭清室陳氏絕粒死

薛長齡與妻馬氏俱自縊死

房春輝與嫂春明室胡氏妻金氏俱自縊死

貢長遐自縊死妻許氏女大姑俱絕粒死

金雨之自縊死母姜氏絕粒死

魏文桂與母相元室錢氏俱絕粒死

王憲棕與妻胡氏俱自縊死

李貴松與母孟氏俱絕粒死

彭遐與母喬年室戴氏俱絕粒死

蘭佩遠與妻陳氏俱絕粒死

卞景華與妹大姑俱絕粒死

李桂芬與祖母孫氏俱絕粒死母林氏被殺

范成勳本姓陳與母陳盧氏俱絕粒死

林鴻與母節婦張氏俱絕粒死

馬松慶與祖母承基室周氏母金保室趙氏俱絕粒死

陳佩臯與妻某氏俱絕粒死

曹七三與祖母泰來室唐氏姊乃姑俱絕粒死

王元愷與嫂元標室張氏妻某氏俱絕粒死

陳春貴與母有章室繆氏妻張氏妹李陳氏俱絕粒死

劉成基與妹照姑俱絕粒死

增修甘泉縣志

卷十三

人物忠節

二十九

汪寬容與女二姑三姑絕粒死長女徐興隆室汪氏亦

絕粒死

蕭子虔與妻陳氏俱絕粒死

徐某與母黃氏妹小姑俱絕粒死

劉世富與母聶氏俱絕粒死

王春江與僕葉錦聚俱絕粒死

簡如棠與母開元室楊氏俱絕粒死

晉醇與母王氏俱絕粒死

徐游與妻周氏弟婦滢室管氏湘室陳氏俱絕粒死

方廷樞與妻談氏俱絕粒死

吳石渠與妻杭氏女懷姑俱絕粒死

丁宗榮與母孫氏妻趙氏俱絕粒死

張世和與妻趙氏俱絕粒死

徐松年與妻陳氏俱被殺

李渭淪與妻周氏妾王氏俱絕粒死

王家軫與母胡氏叔母張氏項氏妻程氏俱絕粒死

張朝俊與妻王氏俱絕粒死

康佐廷母某氏被殺佐廷與妻某氏女大姑二姑俱絕粒死

許桐母某氏被殺桐與妻某氏女大姑二姑俱絕粒死

增修甘泉縣志

卷十三

人物忠節

三十

蘭啟盛絕粒死子婦張氏被殺

石玉堂與妻某氏女懷姑俱絕粒死

宋文元與妻沈氏俱絕粒死

陳元慶與女小姑俱絕粒死

蔡醕與妻王氏女大姑二姑甥張安俱絕粒死

王大興與母林氏俱絕粒死

尹平山與妻某氏俱絕粒死

陳福絕粒死妹大姑被殺

耿曙林與妻夏氏俱絕粒死

陳鳳源與妻周氏俱絕粒死

郝景堂與妻禹氏俱絕粒死

潘有福與妻梁氏俱絕粒死

高德珍與姪婦文連室曾氏俱絕粒死

徐天衡與姊曹徐氏俱絕粒死

秦漢章與族人永林俱被殺

王敬修與子某俱被殺

賈萬名與弟萬濤俱被殺

李如崇與子樹棠孫文輝及李甯氏李張氏老大姑巧

姑俱自縊死

朱臻自縊死子婦錢氏長女字余彭壽為室次女玉姑

增修甘泉縣志

卷十三

人物忠節

三十一

俱投水死

杭鴻業 吳萬林 陳聖宗 孔昭仁 許延濤

陳兆熊 李慶 柯亭 談廣源 戎長富

余厚昌 李焯 丁某 穆正忠 趙雲龍

林種香 樂崑山 張雨三 李長發 潘席珍

戴奎 程近山 張德明 陸某 錢四

胡文璽 陳祥齡 程泰 向銘鼎 陳松萬

葉林 潘來慶 許宗儀 余步洲 吳問渠

陳春曙 張保和 趙國裕 史小硯 王衡書

嚴起泰 曹玉成 劉藝 劉奐 陳三

丁振奎 張永洪 某 郭祥齡 王大

陳鶴泉 谷晴嵐 張致元 楊觀堂 曹某

陳正鴻 劉培基 季文達 張廷椿 李萬田

謝建堂 吳開 趙承恩 以上俱絕粒死 陳繼堂

劉天森 汪錫恩 饒廷芳 俱自縊死 孫馥潼 自刎死

田坤元 楊元 俱河死 王蓀 投井死

蕭有泰 被擊死 殷其縵 劉近懷 俱被刺死

黃元壩 俞繁齋 吳永祥 周自高 林炳春

陳在安 梁大陶 某 王元慶 雒起森

諸曙齋 姚松泉 耿善之 孫璋 馬貫之

增修甘泉縣志

卷十三

人物忠節

李步青 范登鰲 周正安 王壽 吳春華

施小獅 曹天富 以上俱被殺

祁永楨與妻徐氏俱被殺 自此至王福增皆新集鎮人

徐文舉與女小姑俱被殺

張萬楨與弟萬興妻徐氏俱被殺

談有聚與妻趙氏俱被殺

王國發與妻蔣氏俱被殺

劉金芳其家有劉李氏俱被殺

徐宗萬 殷國才 謝曹 申標 詹兆元

王發如 王玉福 陳正邦 謝鶴明 陳聚福

張聚龍 吳大 朱聚壽 劉鶴山 龔文發

時啟元 雷德喜 徐雲山 洪萬壽 高寅達

陳大 毛進才 王福增 以上俱被殺

吳國興 備蕭鳳孫家絕粒死

董元 備曹啟裕家中槍死 母陳氏絕粒死

濮大如 備俞立堂家被殺

王二 備丁元樞家絕粒死

胡開 備丁光燦家被殺

汪志林 與弟志坤 備杭建勳家俱絕粒死

周淮 備華叔幹家絕粒死

增修甘泉縣志

卷十三

人物忠節

許升 備臧學仁家被殺

竇世 醕備吳士誠家絕粒死

熊大如 備鄭姓家投井死

李福 備汪泰家絕粒死

楊貴 備周如椿家絕粒死

金萬福 備江慶咸家絕粒死

劉大 備王彭齡家自縊死

高二 備鄭醕家絕粒死

毛萬才 備祝宣三家絕粒死

潘祥麟 備鄭姓家投井死

周萬山傭熊姓家絕粒死

郭長發傭郭姓家被殺

高 二傭魏姓家絕粒死

秦 二傭汪姓家絕粒死

錢嘉興執掃街役絕粒死

自羅士琳至此皆咸豐三年殉難咸豐八年由兩江

總督彙奏奉

旨交部議將文武員弁貢監生員書吏分別給襲贈銜卹銀

有差其無頂戴人氏各准入祀昭忠祠

諸生朱紹棻

增修甘泉縣志

卷十三

人物忠節

三十四

諸生張廷標

監生舒致和

監生程樸堂

儒童孫德珠

儒童楊瑞祿

儒童李麟李鳳自盡

諸生王兆祥

監生沈長庚

佾生王懷禮

儒生王啟嵩

焦以禮被害

王至恆 黃玉中 丁贊臣 史致廣 項汝成

吳廷森 沈大 卞寶太 袁鶴 李道泗

趙鵬升 程長齡 王松齡 王澄 王涪

王灃 鄭九齡 方石君 程嘉猷 陳延年

曾長生 樊受之 李聲震 馬連春 李豐

金彭年 周愛塘 李貴 高鴻祺 劉鎖全

彭鶴年 章如松 黃秉衡 劉茂堂 韓永潮

顧應南 賈有慶 洪壽山 王田 王永興

俞有江 張連寶 樊大 王照 王之潮

增修甘泉縣志

卷十三

人物忠節

三十五

馬長太 許永祥 吳鴻熙 徐愷秋 章治慶

僧三德 涂本智 陳大 蘇貴 談世高

黃治簡 馬大年 耿燠慶 耿焜慶 柏壽鏞

蔡大 吳樹洙 葉長春 葉和尚 湯振玉

湯四子 陳大 陳二 湯大 湯二

湯三 高永昌 高大 高二 王有貴

高老 楊景春 陳長興 馬得厚 沈宗遇

宋小六 樊恭德 陳小波 劉良治 洪大

藍大 李大 何臻 劉鶴齡 高永林

胡天爵 段益廣 姜潢 陳萬興 張福堂

汪養德 茅 添 徐德三 劉照太 譚 大  
吳祖繩 何遇陽 丁少陵 陳益桂 程敬三  
李椿岩 王 椿 周承貴 涂柏年 許 貴  
王 錦 潘 德 潘大子 丁 元 陳鶴慶  
趙 升 馬 大 杜 珍 李 二 陳殿傳  
徐榮春俱自盡

自朱紹葵至此皆咸豐三年殉難同治三年由漕督  
奏請

賜卹

布政司理問銜王家翰

增修甘泉縣志

卷十三

人物忠節

三十六

諸生謝紹瑗與妻賈氏俱被戕死

監生焦棣園

武生龔長泰

佾生馮寶珍

凌得功 凌 霄 凌少雲 甘文富 葉務卿  
詹永年 王雲輝 顧 駢 張安泰 蔣 炳  
常長生 杭德奎

以上同治五年由漕督奏請

賜卹是案不注殉難之年間有與他案重出者多係咸豐三  
年殉難之人姑列於此

劉元基咸豐三年城陷與僕李貴投水死由兩江忠義局彙案請卹

黃氏一門殉難從九品黃必榕子昌瑞母陳氏妻潘氏俱咸豐三年城陷自盡 贈必榕鹽運司知事

黃氏一門殉難黃春海與弟春榮俱絕粒死姪均慶投水死春海母蕭氏絕粒死

劉氏一門殉難監生劉文林被殺子步瀛絕粒死步增被殺孫樹基長生長媳卞氏次媳王氏姪媳張氏孫女大姑姪孫女二姑俱絕粒死

劉氏一門殉難劉光業絕粒死弟光森被擊死子大經

增修甘泉縣志

卷十三

人物忠節

三十七

母張氏妻許氏俱絕粒死

楊氏一門殉難諸生楊均與嫂鍾氏妻錢氏俱被殺給雲騎尉

江氏一門殉難監生江煥子儒童福昌嫂糜氏妻嵇氏女劉江氏俱絕粒死

汪氏一門殉難監生汪肇本與弟八品銜肇源肇本妻洪氏肇源妻李氏俱絕粒死 贈肇源布政司都事

徐氏一門殉難侑生徐榮慶被殺弟榮春服毒死母馬氏觸石死妻張氏女秀姑俱自縊死

徐氏一門殉難徐文燠與姪興保母余氏妻常氏弟婦

劉氏女大姑俱絕粒死

譚氏一門殉難侑生譚學先與子扣兒妻王氏女二姑三姑俱絕粒死

杜氏一門殉難杜樽與弟林弟楷弟諸生衍宗樽子維均衍宗子萬齡孀母盛氏林妻王氏衍宗妻郝氏姪女金保俱絕粒死 贈衍宗鹽運司知事

李氏一門殉難李湘與弟泐弟眞母汪氏眞妻桂氏姪女大姑二姑俱被殺

李氏一門殉難李廷秀自縊死弟廷祿廷秀母何氏嫂許氏俱絕粒死

增修甘泉縣志

卷十三

人物忠節

三十八

蕭氏一門殉難蕭節與子澄俱自縊死子溶投井死任氏一門殉難任保廉自縊死子鳳來母曹氏俱絕粒死

馬氏一門殉難馬大連與弟小連祖母陳氏僕馬誠俱絕粒死

馬氏一門殉難馬連椿與母葉氏嫂陸氏姊順姑俱絕粒死

杭氏一門殉難杭秉鈞與姪有溶有瀟秉鈞嫂居氏姪媳馬氏孫氏俱絕粒死

朱氏一門殉難監生朱長發與妻馬氏妾袁氏女和姑

兆姑俱絕粒死

朱氏一門殉難朱家璽及子元妻陳氏女秀姑俱絕粒死

董氏一門殉難董長貴與弟長福長城俱自縊死母吳氏絕粒死

華氏一門殉難華汝義及姪景昇景恆姪孫長庚長生長松汝義嫂朱氏弟媳蕭氏姪媳黃氏樊氏女玉姑俱絕粒死

祁氏一門殉難祁溥及子楣姪乙叔母黃氏俱絕粒死  
弟婦淞室王氏被刺死女德姑容姑絕粒死

增修甘泉縣志

卷十三

人物忠節

三十九

陳氏一門殉難陳連及子効忠効直妻張氏女靜姑俱被害

陳氏一門殉難陳兆偉與子德寬德容次媳余氏女八姑俱絕粒死

陳氏一門殉難陳步瀛與子效忠效義母王氏妻江氏俱絕粒死

吳氏一門殉難吳國瑯與母金氏從叔母李氏從妹大姑俱絕粒死

吳氏一門殉難吳興如及姪述祖弟媳袁氏女大姑三姑俱絕粒死

吳氏一門殉難吳永福暨弟永壽姪正貴母陳氏妻蔣氏弟婦石氏長媳魏氏次媳王氏女盧吳氏姪女大姑舉室自焚并有童稚三人同殉

程氏一門殉難程璋與妻左氏弟媳鄒氏凌氏俱絕粒死

王氏一門殉難王之灝得仁得壽得名之灝妻陳氏女大姑二姑三姑僕婦李陳氏俱絕粒死

王氏一門殉難王景堂及弟德興德義長媳陳氏次媳仇氏三媳周氏俱絕粒死

謝氏一門殉難謝政與弟敬畋叔母王氏妻王氏姑母

增修甘泉縣志

卷十三

人物忠節

四十

高謝氏俱絕粒死

衛氏一門殉難衛長生衛連長生妻陳氏俱自縊死

薛氏一門殉難薛廣之絕粒死楷梓俱被殺廣之妻張氏絕粒死

柏氏一門殉難柏壽鎧與弟壽鎮母王氏俱絕粒死

湯氏一門殉難湯侶松品正萬泰侶松女大姑二姑俱絕粒死

錢氏一門殉難錢玉林及子澳孫蓀妻胡氏媳逸氏俱自縊死

蔡氏一門殉難蔡耕雨及子承妻石氏俱絕粒死

包氏一門殉難包錦及弟鈔母花氏俱自縊死

尙氏一門殉難尙馨若並子治慶姪友章俱絕粒死

俞氏一門殉難俞長寬及姪大穩母吳氏俱絕粒死

姚氏一門殉難姚志龍並子福官妻徐氏俱絕粒死

從九品紀懋源

從九品余維康

監生余維周俱自盡

武生朱萬春城陷巷戰多時賊以火鎗環擊而死

儒童劉逢源與子長生俱被焚死

金鶴年被殺弟松年絕粒死

增修甘泉縣志

卷十三

人物忠節

儒童黃啟暄

胡錦文

胡耀齋

楊濤

靳逸

朱文義

王普

陳錦連

俱被殺

儒童吳必良

洪得模

錢有增

張廣有

汪時激

王國治及子恆禮

曾大

曾二

邵寬仁

陳朝煜

馬長泰

王文松

俱絕粒死

自黃必榕一門至此皆咸豐三年殉難同治八年由

兩江忠義局奏請 旌卹職官贈銜給襲一門殉難

者准建專祠專坊餘入總祠總坊

李氏一門殉難監生李觀成及弟敬成子大寶二寶嫂

謝氏妻何氏弟婦顧氏女大姑二姑姪女寶姑咸豐三

年城陷俱絕粒死

李氏一門殉難李文輝姪增保文輝妻王氏姪女靈姑俱絕粒死

孫氏一門殉難孫德培並弟德崇小福俱絕粒死

周氏一門殉難周正心及弟德成德慶德元俱投井死

王氏一門殉難王福堂並妻任氏弟婦陳氏妹寶姑俱絕粒死

王氏一門殉難監生王福齡及弟秋齡俱被殺弟桂齡椿齡絕粒死子從九品德新被殺福齡妻周氏絕粒死  
給德新後雲騎尉

增修甘泉縣志

卷十三

人物忠節

四十二

王氏一門殉難監生王鶴健並子文錦子婦何氏女大姑俱自縊死

陳氏一門殉難監生陳槐及子焜妻耿氏俱被殺

陳氏一門殉難陳智寬自縊死姪松年被戕死姪孫登

喜縊死智寬弟婦馮氏觸階死姪婦孫氏姪孫女淑貞俱自縊死

陳氏一門殉難陳玉書及子福生妻何氏女逸姑俱絕粒死

衛氏一門殉難衛春江並子連妻陳氏俱被殺

韓氏一門殉難韓大倫及子廣炘妻張氏俱絕粒死

張氏一門殉難張琴及妻胡氏女逸貞俱絕粒死

張氏一門殉難張樹春並子懷妻何氏俱絕粒死

魏氏一門殉難監生魏季華及母何氏妻胡氏俱被殺

薛氏一門殉難薛永年並母尹氏俱絕粒死妻彭氏自

縊死

滕氏一門殉難滕舉良並妻張氏女大姑俱絕粒死

于氏一門殉難于德潤及母董氏嫂吳氏弟婦鄭氏李

氏俱自盡

余氏一門殉難余祚興子維仁姪維康庶母何氏妻趙

氏俱絕粒死

增修甘泉縣志

卷十三

人物忠節

四十二

顧氏一門殉難顧廷標並弟廷勳子煦妻丁氏弟婦張

氏俱自盡

黃氏一門殉難黃星海並子佩之妻顏氏俱自縊死

姚氏一門殉難姚世鏞並弟世鎔世昌世泰世坦姪仲

醅世鏞弟婦陳氏張氏宗氏周氏姪婦高氏姪女德姑

俱絕粒死

汪氏一門殉難監生汪秀江與子諸生景章儒童景暘

景昭俱被殺孫志麟志龍志槐俱投井死姪孫志恬被

刺死妻許氏長子婦孫氏投井死姪婦韓氏孫婦朱氏

孫女大姑三姑俱自縊死

汪氏一門殉難汪永祥被戕死子大寶絕粒死妻徐氏自縊死女秀姑絕粒死

汪氏一門殉難汪試思及姪玉麟嫂節婦李氏妻易氏女大姑姪女貞姑俱絕粒死

汪氏一門殉難汪崑來及孫恆源子婦王氏俱絕粒死汪氏一門殉難監生汪濬川並弟潤山再峯俱被害

紀氏一門殉難紀椿華並孫修霞修雲修才修福妻賀氏子婦高氏賈氏俱被殺

藍氏一門殉難藍長齡並子儒童恩浩俱被害母焦氏叔母臧氏弟婦孫氏女大姑俱自縊死合門十四人同

增修甘泉縣志

卷十三

人物忠節

四十四

殉難

賈氏一門殉難賈振南與嫂殷氏女三姑俱自盡

童氏一門殉難童壽昌墜樓死弟連昌被刺死玉昌被鞭死

徐氏一門殉難徐必富及弟必財子永乾永元姪錫爵錫疇錫齡俱絕粒死

徐氏一門殉難徐振揚與弟振卿俱被戕死母于氏妻岑氏女大姑互相結繩縊死

高氏一門殉難高元與妻徐氏女順姑俱絕粒死夏氏一門殉難夏金源並子宏達宏柱妻尹氏俱被殺

萬氏一門殉難萬紹章與妻朱氏女幼姑俱絕粒死  
丁氏一門殉難丁和尚與母胡氏妾何氏俱絕粒死  
杭氏一門殉難杭春庭及弟兆勳姪宣弟婦謝氏姪女  
美姑俱自焚死新采有春庭妻卞氏子定兆勳長子德  
櫬俱殉難而美姑爲春庭之女

劉氏一門殉難劉文龍文彪俱被殺文龍妻許氏自縊  
死

劉氏一門殉難八品銜劉長安並弟長庚長標俱被殺  
譚氏一門殉難譚佩章並子存性妻黃氏女大姑俱絕  
粒死

增修甘泉縣志

卷十三

人物忠節

四十五

丁氏一門殉難丁義昌堂弟義泰子兆松瑞濤義昌母  
管氏妻嵇氏義泰母姚氏妻韓氏兆松妻沈氏俱絕粒  
死

八品銜余瀛

從九品章春生

從九品李康保

從九品銜張春霽絕粒死

諸生趙丙

監生鮑招年

監生葉衡夫

監生趙配棠

監生楊體仁俱被殺

從九品銜薛雲

諸生薛聘三

諸生俞端

諸生吳祖經

監生張兆隆俱自縊死

儒童馬文炳

馬雲祥 馬梓 馬楠 常焜 程瑞

王同庚 王存仁 劉國華 劉長慶 劉熙

增修甘泉縣志

卷十三

人物忠節

四十六

江百祿 江麟洪 江標 經世勳 經文煜

何道生 吳兆元 吳鏡波 張如春 湯長杏

卜心齋 徐彬 徐兆位 宗燦 丁懷玉

戴茂 項兆麟 梁延明 譚嗣 范寶亭俱殉

難

自李觀成一門至此皆咸豐三年殉難同治九年由

兩江忠義局奏請

旌卹職官給襲一門殉難者准建專祠專坊餘入總祠總坊

僧悟鑑天甯寺住持咸豐三年殉難由兩江忠義局彙

奏請 卹

監生藍殿臣被刃死弟婦某氏女四姑和姑僕婦徐嫗俱絕粒死

儒童盛及時與母監生德室張氏弟茂時俱絕粒死

汪鋹與弟監生錄子時淑時瀛俱絕粒死

李正芳自縊死

徐某與母黃氏妹小姑俱絕粒死

姚輔廷全家自縊死

張世德與母彭壽室某氏俱絕粒死

湯席珍與妻某氏妾某氏俱絕粒死

張伯德一家四口俱被殺

增修甘泉縣志

卷十三

人物忠節

四十七

范履宗與母某氏妻湯氏姪玉仁范四俱被殺

道士項石芝與僕卜二俱絕粒死

劉貴傭胡昌齡家被殺

顧長松傭胡昌齡家投池死妻高氏自縊死

徐元傭馬民鎮家被殺

趙二傭馬椿家被殺

唐桂傭沈師謨家被殺

吳廷照傭唐錦家絕粒死

高二傭許桐家絕粒死

陳玉林傭許光甲家絕粒死

以上皆咸豐三年殉難見揚城殉難錄

運同銜黃承立與妻吳氏妾刁氏俱絕粒死

鹽運司知事閻嗣基與妻及子女六人俱絕粒死

從九品銜劉良治與妻陳氏女喜子俱自縊死

從九品銜凌康與嫂張氏妻史氏長媳鄒氏次子成之

次媳丁氏俱殉難

諸生朱長齡與妻鮑氏俱自縊死

監生湯連山與子松友及孫孫女俱絕粒死

監生汪濬川與弟肇壩肇堂俱殉難

監生周素與妻胥氏及子俱自焚死

增修甘泉縣志

卷十三

人物忠節

四十八

監生丁應門與子慰恩俱殉難

監生金永貴團練禦賊殉難

儒童劉晟與子介祺俱殉難

儒童卜恆年自縊死

儒童張鵬升與妻馬氏俱殉難

儒童俞學被執遇害

鍾育惠與妻某氏子德仁媳某氏俱自焚死

葉昕堂與媳桂森室李氏孫女三人俱殉難

劉聲遠一作聲達府署書吏不屈死

羅養恬府署書吏不屈死妻朱氏女大姑俱自盡

焦廷富與妻張氏弟婦周氏妹桂姑長子潤媳王氏次子沂姪女玉姑俱自焚死

朱綬堂與妻陳氏弟壽康弟婦程氏僕周玉俱絕粒死

王恩綬被殺

諸生劉錦城陷殉難

姚長發被殺妻關氏自縊死

劉松年被戕妻溫氏自盡

姚長生與妻張氏及二子俱殉難

虞振芳與子長榮俱遇害

張鵬南城陷殉難

增修甘泉縣志

卷十三

人物忠節

四十九

道士于烝潑在古東嶽廟自縊死

道士唐天祐在恪靜壇絕粒死

道士汪一昌在恪靜壇罵賊撞石死

道士項妙鎬在蕃釐觀與僕柏二俱絕粒死

道士蔣徹章京口人避賊來蕃釐觀善琴賊至使鼓琴

忿以琴擊賊罵不絕口賊殺之

以上皆咸豐三年殉難者

耿氏一門殉難耿廷瑞並妻萬氏弟媳節婦翟氏妹大姑二姑及萬大妻耿氏咸豐六年郡城復陷俱自焚死  
監生耿德明被殺

耿大元一家自焚死

沙椿被殺

張鶴松

王春華俱殉難

以上皆咸豐六年殉難同治八年由兩江忠義局彙

案請 卹分別建入祠坊

巫氏一門殉難監生巫宣並弟宓子奎妻倪氏弟婦高

氏姊二姑女大姑三姑咸豐六年城陷俱自縊死

仇氏一門殉難仇景占與子金醕金鍍姪金鎧妻戴氏

子婦王氏俱被害

增修甘泉縣志

卷十三

人物忠節

五十

從九品銜胡招培

諸生王兆科

諸生盧煦

監生程鑛俱被殺

以上皆咸豐六年殉難同治九年由兩江忠義局彙

案請 卹分別建入祠坊

趙嘉琳揚城再陷被擄至三汊河時賊以火藥實寶塔

中琳密藏火種擲入塔是夜塔崩賊死數千人琳亦死

廩生胡家錫謀刺賊不遂被焚死父鴻儀母王氏妻范

氏俱被殺

宗某甘泉諸生浩弟咸豐六年賊至欲刺其父某曰可殺我勿殺我父遂被砍死父逃出見續揚城殉難錄

從九品袁德容賊竄雷塘鄉被戕死

從九品俞杏村

從九品詹雨暘

諸生謝復恩

監生汪景春

監生劉聲揚

監生李名書

監生王開勳

增修甘泉縣志

卷之十三

人物忠節

五十一

儒童王同庚

儒童林華慶

儒童林嵩齡

李龍成 黃如祺 黃文澧 黃文淵 李進紓

黃文瀾 俞長慶 尋春圃 畢坤元 葉 森俱被

害

以上皆咸豐八年殉難同治三年由漕督奏請

賜卹

八品銜孫永祥從九品銜永瑞咸豐八年在三里菴北

楊家渡遇賊不屈各受數刃而死永祥妻陸氏投河死

二人各 給雲騎尉

從九品胡維侃

從九品詹瑞徵與妻張氏及女胡宗衡聘妻俱投水死

一僕一嫗先後被戕死

從九品江標被害

諸生鄭國琳

諸生戴文超

諸生焦成之

監生江星甫

監生胡倬禦賊被執不屈死經忠義局請 卹給雲騎

增修甘泉縣志

卷十三

人物忠節

五十二

尉

監生江淮

守備銜藍翎千總范顯慶

揚州營僧道橋額外丁成龍

巫濯芸 范顯魁 俞永宜 江保林 高 健

李搢舒 胡維保 高 俊 周學和 江兆林

胡維信 胡維億 江 淞 焦慶保 李元善

金 潛 江兆祥 江 沅 金兆君 江華祝

江世榮 吳 沂 吳 森 竇長實 洪元富

畢維春 田長同 姚永壽 丁時發 陳獻之

徐國壽 夏榮山 朱榮成 張文連 田長林

任宗順 任得昌 沈長玉 沈金茂 馬佩金

馬增桃 馬增華 陳信堂 陳松高 陳長林

陳如萬 陳敬圃 楊士鳳 張永明 竇長生

趙大昌 楊一作湯聚廣 楊一作湯聚榮

丁廷燦 王錫麒 楊長昆 仇福選 仇長富

卜玉彩 卜玉田 朱有保 傅文浩 張永林

孫得寶 徐連煜 李志宣 楊書亭 楊廣達

楊佩金 閻餘亭 李志繁 方樹生 梁松山

汪連生 丁長圃 陳學書 卜任元 宋 洵

增修甘泉縣志

卷十三

人物忠節

宋 浩 常薇生 施國寶 施錦文 許萬昌

蔣樹棠 焦敦沅 周學義 王應發 焦春輝

竇長松 殷長德 郭學文 高慶元 高 佑

俞永善 郭松濤 高錦福 俞永成 畢維玉

郭松翰 紀玉華 竇長林 陸宗保 沈桂芬

孫之驥 范永才 焦敦實 吳廷標 謝惟春

卜松其 王長振 崔學禮 紀廷三 蔣履謙

盛文龍 盛如桃 焦玉佩 焦邦治 劉自遊

陳 錦 焦玉書 劉自寬 李富山 周得明

殷宏璧 桑餘庭 徐福隆 沈成林 桑登仕

李宗山 卜松如 紀長富 李樹林 朱永慶

胡長兆 黃堡 周彭齡 卜松岐 郭春榮

夏德齡 謝惟金 郭春聚 陳永兆 包玉興

李彭春 賈克勤 包玉發 焦邦選 顧蘭舟

程元浩 徐問松 傅文福 吳正春 房廷椿

俞永山 趙永春 程元淦 劉自田 許敬財

房道生 周士貴 仇謀 程元汶 田長興

謝長寶 房廷相 俞永財 許天球 周長玉

仇敬堂 湯錫爵 李彭年 程漢書 解錦賢

巴均 劉宗揚 喬長慶 湯錫恭 余坪

增修甘泉縣志

卷十三

人物忠節

焦玉華 徐錦生

自胡維侃至此皆咸豐八年在黃瑀橋殉難同治三

年由順天府奏請 賜卹

戚兆宣咸豐八年賊復陷城遇害

諸生趙涵

諸生劉照

諸生劉翔

監生桑春圃

儒童巫卓

邵煌 熊羨嵐俱被殺

以上咸豐八年殉難同治八年由兩江忠義局彙案  
請卹

黃氏一門殉難監生黃如金咸豐八年率眾禦敵陣亡  
兄京武被殺弟如錡姪從九品文連儒童文淇戚李葆  
元僕孫大趙大俱陣亡姪諸生文瀛孀母徐氏姪媳李  
氏俱投水死 給文連後雲騎尉

王氏一門殉難武生王炳咸豐八年在廟頭鎮禦賊中  
槍死妻熊氏弟婦張氏徐氏姪女如姑七姑俱投水死  
孀母任氏於九年投水死

吳氏一門殉難吳順發及弟順興順祥俱在甘泉山遇

增修甘泉縣志

卷十三

人物忠節

五十五

賊被害

常氏一門殉難僧生常道純賊竄公道橋自縊死其長  
子桂田被戕幼子福田服毒死妻何氏自縊死

黃氏一門殉難黃如鎬與弟如鎡子文灃姪文淵文瀾  
俱被害妻徐氏投水死

江氏一門殉難儒童江棟賊竄廟頭鎮受十四刃而死  
其子文熙文杰俱被害妻許氏女大姑俱投水死

從九品銜顧澤山賊擾菱塘橋率勇擊賊被害 給雲

騎尉

舉人朱鼎文

諸生謝鈞

從九品銜焦以義

監生樊慶恩

佾生劉根賊擾黃珏橋公道橋各處被戕

自黃如金一門至此皆咸豐八年殉難同治九年由  
兩江忠義局奏請

旌卹職官給襲一門殉難者准建專祠專坊餘入總祠總坊  
許湯年咸豐八年賊至呼父母兄弟同坐浴盆過河未  
及自渡投水死見續揚城殉難錄

六品銜党熙咸豐八年賊犯西鄉率勇禦賊被戕

增修甘泉縣志

卷十三

人物忠節

五十六

監生朱國楨團練禦賊被害

儒童孫錫麟在瓦窑鋪遇賊被戕

臧璟堂被戕

管榮黼咸豐八年薛成良反擄置幕中薛謀屠邵伯鎮

榮黼密報大營事洩被殺

道士王本宏在馬王廟自焚死

以上新採皆咸豐八年殉難者

廩生李繩斌咸豐八年殉難由漕督奏請 旌卹給雲  
騎尉

監生陳瑚咸豐九年賊犯黃珏橋被戕死

書吏張 桐 胡崑璧 王士衡 湯松年

顏冠倫俱咸豐十年賊至被害

李春芳 孫義熙 談海潮 金文連 姚 山

李德明 錢長和 刁長青 徐慶國 徐延昭

楊文學 楊文學 陳金錕 許長松 何萬里

何萬廣 周萬林 張文勝 陸景富 徐萬安

徐萬餘 宰文彬 並姪 卞文楷 王永堂 周寅堂

于長寬 許萬河 陳玉山 張文康 王兆發

王福華 曹 春 談海河 談海瀛 周廣陵

陳 溶 董茂堂 朱良發 朱 善 李祥麇

增修甘泉縣志 卷十三 人物忠節 五十七

李如山 丁 虎 王廚子 吳士侯 張正寅俱接

仗陣亡

楊錦芳 李萬松 李椿芳 陳廣有 劉 同

孫義蘊 陳 珠 劉小虎 鮑 英 尹懷禮

李 億 湯長杏 余七扣 王三逸 陳五壽

周同有 季大明 王善百 陳 洪 楊 二

柏在中 王維邦 陳和尚 李 三 丁懷德

談自會 吳二蚪 劉大年 呂自高 錢宏高

孫大柏 王三毛 談自 一作志 懷 劉邦餘

孔 二 談二子 王九元 謝三德 田保子

邱慶懷 丁細二 喬自松 陳萬堂 夏桂喜  
陳宗仁 陳家樾 王在貴 張金山 陳廷矩  
曹景堂 曹文愷 趙文洵 楊虎子 馮銀山  
郭雲和 陳廣川 陳廣松 談廣有 一作友  
楊長林 徐慶龍 徐萬高 楊起元 黃大  
談聚玉 翟一淮俱自盡

以上咸豐十年殉難同治三年由漕督奏請 賜卹  
常氏一門殉難文廟啟事常海鵬住公道橋咸豐十年  
賊至投水死子從九品普被殺八品頂戴桐儒童庚儒  
童文燦俱禦賊戰死儒童春榮被殺才錕俱投水死文

增修甘泉縣志

卷十三

人物忠節

五十八

泗被殺海鵬妻王氏投水死春榮妻王氏絕粒死 贈

海鵬都察院經歷 給普後雲騎尉

呂氏一門殉難呂裕德呂福保住公道橋拒賊陣亡弟

福海之漢及從九品裕壽妻王氏從九品福濤妻王氏

福臻妻尤氏岷妻趙氏岷女玉姑僕曹春初劉二僕婦

黃李氏俱殉難

廩生程恩培

武生丁成之

武生汪登鰲

佾生孫懷亮

侑生許天行俱在公道橋禦賊陣亡

從九品蕭馥田

從九品陳道炳

侑生黃佃之俱在公道橋遇賊被殺

馮 澍 徐廷芳俱在公道橋被害合家同殉

何亮疇 許開基 王承堂 紀國慶 熊羨蘭

劉 庚 紀國發 陳 容 周 泐 高大松

錢寶山 楊金堂 王太福 董旭堂 陸景福

紀國元 張玉庭 胡成然 王開泰 曹國華

張福基 馬 國 馬家濟 王士衡 張文盛

增修甘泉縣志

卷十三

人物忠節

五十九

賈萬慶 姚春林 紀國林 湯 一 作 楊 百壽

居長發 徐長林 許天發 周廣林 周 泗

楊文監 夏六瑚 陳景 一 作 錦 昆 陸景芳

陳德純 周瀛堂 于長有 謝成章 談志富

郭猷子 陳道煊 陳景福 焦連穩 李長泰

錢大旺 朱 大 王 儲 焦錦釗 王門山

陳永和 盛 四 陳志洪 張長泰 黃鎖子

李祥齡 李如錫 丁萬昌 張 炳 高大楊

王 瀛 王 洲 陳大麻 吳萬喜 樊少衡

韓 二 趙 林 那 大 那 二 鄭玉海

金容 王辣子並姪 陳丫頭 張大 張二

姚三 胡二 居大 張少 劉應發

畢宣仁 畢雲齡 陸景霞 張文治 楊裕元

湯標 張五並子 高大 毛瑞 夏升

金文連 楊寶 馬大發 俱在公道橋被害

以上皆咸豐十年殉難 同治八年由兩江忠義局奏

請 旌卹職官贈銜給襲 一門殉難者准建專祠專

坊餘入總祠總坊

陳氏一門殉難 陳國琳及弟國瑤姪廣杏於咸豐十年

薛逆竄擾王家港 糾集漁舟堵禦 嗣因賊船紛集 鑿舟

增修甘泉縣志

卷十三

人物忠節

沉水以殉

黃氏一門殉難 黃懷林 咸豐十年薛逆竄擾王家港 投

水死 弟懷池 姪存明 俱被殺

陳氏一門殉難 陳九富 並子樸子 均賊至 談家集 縱火

自焚

黃氏一門殉難 黃致均 及弟致和 弟婦蘇氏 俱在赤岸

湖被戕

劉氏一門殉難 劉長德 賊至 談家集 赴水死 妻許氏 被

戕 弟婦王氏 姪婦尹氏 俱投水死

劉氏一門殉難 劉天福 並弟天榮 賊至 談家集 投水死

天福妻葉氏被殺

從九品呂瑞堂

職員黃文漣

監生黃竹軒

侑生何祥生賊竄黃珏橋公道橋甘泉山一帶俱被殺

陳松年 王德淵 王泰福 陳長永 徐慶桃

王受白 張 鑑 徐慶廣 夏 二 陳志宏

陳人情 陳序榮 張雅堂 談永泰 徐慶餘

夏 老 王三根 夏貴喜 徐杏堂 陳啟衡

陳履吉 許名安 曹 逸 陳繼堂 夏大胡

增修甘泉縣志

卷十三

人物忠節

六十一

陳景坤 夏 大 謝小寶 李懷書 張起鵬

謝有年 謝良民 謝之億 丁日康

程錫康與子鴻慶 徐錫山 董長發 呂永祥

胡長泰 董 二 孫義昭 吳 斗 郜永慶

姜德木 姜兆安 孔 參 馬尊國 黃 煥

郭從公 杜江南 高有富咸豐八年及十年賊擾公

道橋談家集一帶殉難

自陳國琳一門至此同治九年由兩江忠義局請

卹一門殉難者准建專祠專坊餘入總祠總坊

謝良臣咸豐十年賊至領勇殺賊力竭自刎死

馮意林與賊戰一家十二口同日死

王三善用大刀身中數刃而死

阮祀合家二十三口俱殉難

王重衡被戕死

陳玉壽奮力殺賊賊怒支解之

張萬隆遇賊被害妻蔣氏觸階死

以上皆咸豐十年殉難見續揚城殉難錄

從九品林能教

諸生劉文璽

監生高孟棠

增修甘泉縣志

卷十三

人物忠節

六十二

六品軍功談振武

楊際恩 馬文 金元龍 姚德林 劉文斗

方旭 全愷長 文杰 謝守道 王自一作才

童慶餘 丁蘭 周連愷 李甲 潘文燠

姚爽泉 沈朋有 蘇丫頭 潘六 楊三

曾三 束大 呂玉海 呂玉衡 呂福和

呂福同 呂福奎 呂照洪 呂福虎 陳維高

戴鍋子 夏萬全 蘇長發 貢常紫 陳兆安

陳二 陳小七兄弟三人 符安兄弟二人

劉祿久同妻馬氏女大姑 蘇泛殿一家五口

以上皆咸豐九年十年北湖被戕者

內閣中書舉人許銘勳同治七年捻逆賴文光竄擾邵伯被戕同治八年由漕督請卹贈知府銜給雲騎尉世職

揚營外委魏斌咸豐八年奏調浦口隨剿在九汴洲打仗陣亡同治八年由兩江忠義局彙案請卹  
把總陳元興同治八年卹給雲騎尉未知殉難之地之年附錄於此

趙烏齊寄居金壇咸豐六年被害

六品頂戴卜長貴咸豐十年在丹陽被害

增修甘泉縣志

卷十三

人物忠節

六十二

張有爲咸豐十年在蘇城被害

洪升王貴二人傭金壇縣丞沈世樑署咸豐十年被害

朱德三寄居金壇咸豐十年被害

外委朱萬全咸豐十一年陣亡

自趙烏齊至此皆籍隸甘泉在他處殉難已蒙卹典附錄於此

以上府續志間有補敘者詳見新增

同知銜山東曹縣知縣姚國旃嘉慶十八年因教匪陷城被戕 給予恩騎尉繼孫元補授江南提標左營守備

道銜貴州候補府孫懷德赴河南衛輝府防剿遇賊力  
戰陣亡

賜卹加贈光祿寺卿銜 給恩騎尉世職

候選直隸州州判於汝金字麗生粵賊犯揚郡汝金豫  
團練事城陷遇賊大罵不屈賊刺其腹仆地血衣皆赤  
子候選從九品學端隨母涂氏率眾屬匿鄰舍偵知父  
被賊刺急歸見父痛哭以布蒙刺處未幾而汝金卒矣  
學端殮以書櫝遂不食亦卒涂氏及其嫂林氏林氏女  
次姑長子婦朱氏妾陳氏次子婦朱氏三子妾劉氏四  
子婦朱氏孫師頤恆女孫順姑大姑三姑皆絕粒死出

祀昭忠節烈祠

增修甘泉縣志

卷十三

人物忠節

六十四

嗣姪南河候補未入流杜以接應官兵攻城爲賊所殺  
一家死難者十八人汝金及子姪皆 旌卹雲騎尉附

藍翎福山鎮中營把總楊霖字雨生粵賊踞江南隨攻  
常州密偵城賊虛實爲克復計賊伏武進縣河口力戰  
被執脅降不屈賊解其屍焚之奉

旨優卹子繼唐襲雲騎尉世職

兄澍有哭雨生詩手足或不協其病爲不仁一身有  
手足一家有弟昆溫溫友于誼自昔傳鄭均戚戚然  
莫歌薄俗徒紛紛余生何不肖先澤慚負薪緬懷先

敏壯丕著雲臺勳詒謀啟燕翼七葉腰華紳兩世讓  
世職家乘書分明豈不愛富貴情重邀榮名遭家適  
多故踐履叢荆榛大父隱東山明哲期保身

賜宅將就圯丙舍依誦芬灌瓜惟抱甕種菜時閉門推蔭竹  
廬公三讓遺風純小子體先訓尺寸思守遵負此驚  
駘質祖烈難爲循早歲痛失怙讀書嗟無聞壯年志  
四方提劍歌從軍季弟苦短折陋巷曾安貧伯兄慘  
國殤荒荒誰招魂四五弟差健肩隨何彬彬卑官本  
代祿可仕亦可耕矯矯棄繻年弱冠驚人鳴時艱重  
韜略習武投軍營一出獲劇盜上選拔步兵門庭未  
增修甘泉縣志

卷十三

人物忠節

六十五

始著聊起舊家聲雖居千夫長上游任要津未假武  
肅券已冠終生纓余亦何殊薦時將春明行愧無千  
里才攬轡常踰踰弟兄各淬厲報

國心孔殷何期鋒鏑及喪我鴻雁羣寇難促死別灑涕滄

江濱

褒卹匪不榮元壤傷沉淪弟忍棄我速憂喜在一晨當其致

命日

綸音來

紫宸泂泂定遠裔煌煌都尉榮吾弟命何薄不及圖麒麟吾  
聞大小蘇相愛常有言世結爲兄弟預定他生因我

亦祝神明願世吹簾墳雨生不復生庶幾鑒吾誠知  
己苦慰藉敬謝聲已吞此恨苦無盡長句陳酸辛見  
康伯山詩話

千總范顯慶咸豐三年在湖北黃安紫屏鋪力戰陣亡  
議卹 給雲騎尉

九品銜吳士銘咸豐三年遇賊被害 給恩騎尉世職  
繼子春華候選巡檢承襲

從九品蒯瑩咸豐三年團勇被害 給予雲騎尉孫衍  
慶承襲

布政司經歷銜陳洙咸豐三年團練守城陣亡 給恩

增修甘泉縣志

卷十三

人物忠節

六十六

騎尉子文珠承襲

從九品周子龍咸豐三年團練被害 給恩騎尉子允  
潞花翎都司

從九職銜潘琳咸豐三年在城團練會同守備方剛剿  
賊陣亡 給恩騎尉子恩泰遊擊銜儘先都司

舉人大挑教諭汪常林咸豐三年殉難 給予雲騎尉  
廩生胡家錫咸豐三年殉難 給雲騎尉

文生趙恭壽大挑知縣趙宗武子也累葉書香敦品績  
學咸豐三年城陷同次子庠生樹榛守義不屈死 給

雲騎尉世職

文生趙寶山咸豐三年罵賊被害 給予雲騎尉  
文生蒯徵時咸豐三年殉難 給予雲騎尉世職  
文生捐職縣丞蔣懋勳隨知府銜舉人張紆青於安徽  
桐城縣東門外剿賊陣亡 給雲騎尉世職  
竇長松偕弟長生遇賊各持兵器與賊對敵俱殉難長  
生妻居氏聞夫故亦絕粒死已奉 旌卹  
揚州營外委王長發咸豐六年剿賊陣亡 給恩騎尉  
子懋功承襲  
從九品黃文漣咸豐八年在甘泉山練勇遇賊被害  
給予恩騎尉

廩生李繩斌字汝均宋名宦李庭芝裔也敦品績學及  
門之掇巍科者甚眾辦恤嫠諸善舉公正廉明咸豐八  
年團練被害

賜卹雲騎尉入祀昭忠祠子新田官衛守備

五品藍翎董秋巖殉難於浦口大營糧台處

安徽補用縣丞章蘭剿賊陣亡於壽州營

文生王龍驤同弟文生吉康罵賊遇害

職員錢迪之同子遐齡罵賊皆遇害妻查氏女珍姑僕  
婦二人皆縊死

八品銜劉成鈺同弟八品銜成基鹽知事銜成鈞妻陳

氏妾談氏罵賊遇害

職員吳紹陵罵賊遇害壻祝三亦絕粒死

監生曹增慶城陷絕粒死

昭文增生謝炳字子華遷居揚州咸豐三年城陷守義不屈與妻朱氏長子庠生承禧五子文童承瑞同時遇害

諸生范毓瑚一家殉難

增生程廉字劍菴咸豐三年遇賊闔室被害兄儒裔守禦所千總率鄉兵追賊螞蝗澗傷賊酋賊憤甚爲眾賊所擒醢其尸而亡

增修甘泉縣志

卷十三

人物忠節

六十八

增生趙鴻字湘秋賊擾西山罵賊不屈賊怒殺之

文生趙鉉字景堂與孫女翠雲咸豐三年遇賊罵不絕口投井而死

儒童黃幹維咸豐三年城陷絕粒死

儒童張文奎避粵賊於甘泉山遇賊賊強同行奎曰吾有母在何能從賊罵不絕口賊怒砍其臂而死

儒童張石民獨與母居妻故不再娶訓蒙於劉家集賊至母赴水石民救之不得亦投水死

陳應宣同孫桂颺俱罵賊殉難

運書陳正大同弟正之咸豐三年賊匪入城罵賊遇害

正之妻張氏子二均絕粒死

學書楊修堂罵賊遇害妻薛氏女扣姑俱絕粒死

運書左萬章同弟耀廷罵賊遇害

運司清書吳問渠粵匪入城閉門不出絕粒死女大姑

僕婦二人皆自縊死

文童吳之騏罵賊被害

卿飲林能教字明誠年八十以外見賊大罵出門投水

子勤同時被害孫女菊姑亦投水死

文童陸榮生同庶祖母周氏母朱氏庶母諸氏叔父松

茂松雲孀母顧氏劉氏姑母許陸氏妻林氏胞弟貴生

增修甘泉縣志

卷十三

人物忠節

六十九

堂弟奎生堂妹巧姑子思豫女順姑全家殉難僅遺一

子名恩

汪長春同子文漣文瑜罵賊殉難

夏長齡 聶金安 汪階符 陳廣豐 鄭 鋹

鄭國林 胡長兆 房 導 湯 泰 湯錫祉

湯錫琪 黃京武 常 榮 施國賢 郭松壽

郭松幹 江肇虎 江玉龍 孫得保 江 灃

陳 弟 丁成龍 江 曙 徐文秀 江世榮

徐莘堂 王 炳 韓廷甲 韓俊得 張大文

謝復恩 李 播 王應朝 徐良志 米魯臣

張菊生	嚴恩生	宋灝年	端木清沛	徐旣堂
王敦仁	張世順	楊海	曹瞎子	王行發
王傑士	張載良	張東林	蔣興堂	張四五
吳錦美	黃大	陳二	薛大	殷佩
夏喬年	李萬興	同弟萬隆	張留舉	胡長彪
華元輝	徐良佐	周玉和	紀李貴	朱良淦
王馨	吳俊華	陳映春	潘長彪	俞文發
楊長榮	金元龍	車泗藻	楊進發	于長聚
馬文發	周文科	劉天魁	陶鶴松	鄭春年
陳松山	陳士和	朱善安	王禮仁	曹士傑

增修甘泉縣志

卷十三

人物忠節

七十

馮開昌	馮開銀	馮開易	馮元林	談佩章
談廣源	談志惠	馮順林	徐延安	徐均
陳海源	崔家儀	楊義源	王明方	王明保
王廷太	黃正興	薛長	周兵目	徐大
周大	張大	王張蘭	徐二	田店東
釗萬順	同夥數人	常普	戴常相	常庚
常文傑	常錕	常瑩	同子常才	常文泗
呂姓	劉二	呂裕德	呂裕海	呂之漢
金世德	劉文字	呂福保	金世娘	王家謨
黃懷茂	吳譽彰	談恩綬	陳冬樵	曾大

黃存明 徐小林 吳時華 謝國元同子萬年  
蘇臣殿一家五口 王貴和 呂福周 楊四  
常棣 張四 那玉才 韓五 楊萬有  
楊廣春 于文發 李二 周四 王倬  
王育仁 王順 馮億林 楊大 楊云書  
何萬庚 呂崇高 張有林 張有猴 張萬春  
范義章 范萬林 范萬田 常霖 常霖  
常堅 常型 邵二 邵炘 談海波  
徐定安 徐延治 徐金錕 徐長庚 繆玉成  
繆云峯 丁二 丁蓆 劉興恭 許天長

增修甘泉縣志

卷十三

人物忠節

七十一

周殿 巫玉瑛 劉永發 徐國慶 談海同  
巫倬 刁志禮 王志華 顧喬齡 殷文山  
吳順發 吳順財 吳順祥 黃家幹 陳道炳  
楊裕元 楊金堂 張正富 胡成龍 余杏林  
李保元 黃僕 孫大 趙大 張兆林  
全大旺 徐永林 劉文斗 張玉亭 王承堂

自董秋巖至此皆經採訪所得彙案請卹

監生江瀾一門殉難咸豐三年城陷同胞姪文童椿子  
儒童林拒賊被戕孀嫂姚氏姪婦季氏子婦董氏暨在  
室姪女姪孫女同時殉難已奉旌卹

民人江澧一門殉難咸豐三年城陷同胞弟浦子儒童  
槐拒賊被戕妻劉氏弟婦朱氏暨在室姪女同時殉難  
已奉 旌卹

鹽捕營外委趙實咸豐八年在六合縣境禦賊陣亡  
六品頂戴揚州營候補外委李樹咸豐三年城陷拒賊  
轉戰力竭被戕子莊監生聞父殞命亦投水死並作絕  
命詞忠孝不兩全古今只一死國難與父仇惟我遭如  
此

以上新增

孝友

漢吳奉廣陵人性至孝廣陵太守張載舉爲孝廉

明南畿志

晉高悝廣陵人寓居江州華軼辟爲西曹掾尋而軼敗

悝藏匿軼二子及妻崎嶇經年旣而遇赦悝攜之出首

元帝嘉而宥之

冊府元龜

盛彥字翁子廣陵人少有異才年八歲詣吳太尉戴昌昌贈以詩彥於坐答之辭甚慷慨母王氏因疾失明彥每言及未嘗不流涕於是不應辟召躬自侍養母食必自哺之母旣病久婢使數見捶撻忿恨伺彥暫行取蟻螯炙飴之母食以爲美然疑是異物密藏以示彥彥見

增修甘泉縣志

卷十三

孝友

一

之抱母慟哭絕而復蘇母目豁然卽開從此遂愈彥仕

吳至中書郎太康中卒

同上

宋翟驥字士龍廣陵人以孝友稱南唐時策名江左太祖平吳之明年始歸宋驥急於養親授官雷夏簿考滿改彭城尉後復舉至道進士科以先人廬墓在廣陵固乞拜掃遷本州從事時人榮之王禹偁有送驥歸廣陵序云君子謂不由進士第者爲終身之恥富貴而不歸者有夜行之刺祿不及親者立不仕之戒此三者翟士龍之謂乎

萬曆江都縣志

元孫彬值揚州兵變負母而逃兒女失散頌者美其有

慈烏之義而未及舐犢之愛焉故王逢賦葵蘭行云葵  
衛其根日月燭之蘭茁其芽雨露沃之兵變倉卒兮負  
親而逃山川險阻兮無乃親勞上天孔仁兮命也兒遭

梧溪  
集

蔡應祥揚州人事二親盡禮二親歿刻木肖像祀益謹

俞建德  
詩稿

按舊志有李茂張輯二人係流寓不應載此

明邱俊字漢英江都人由進士累陞雲南按察僉事念  
母無他子弟侍養會捧表進京師卽上疏乞終養詔許  
之稱孝紳縉間

嘉靖維揚志

增修甘泉縣志

卷十三

孝友

二

張毅字彥剛揚州人元將亡兵聚揚州毅奉父母避之  
大同明取大同有都指揮使某見毅讀書曉法律召爲  
書佐毅喜得俸以養父母應其召居官勤敏廉潔洪武  
五年冬母趙病卒毅扶柩南歸至直沽父又卒毅以力  
薄不能歸兩喪於萬里外火之負骨歸揚州祔丁溪祖  
墳之東服除仍起爲書佐補浙江都指揮使司令史毅  
兩叔一客死瓜州毅殮之如其父一居鄉老且病貧無  
以自給毅以在位日量口授俸掇其餘以奉養之無戚  
戚之慮鄉黨咸稱孝誼焉

蘇平仲集

王輅字商卿揚州人成化二十年父英病篤輅年二十

四割股肉食之愈後又以母老疾不起復割股療之又愈自秘其事人無知者後二十年兄尙書軌偶與客言及之里人追論共舉於巡按御史行縣旌門嘉靖維揚志魏堯民字欽夫江都人家貧年四十始婚婚時值父病未幾父歿就苦塊及葬廬于墓三年既歸婦猶處子也伯兄舜民爲山東驛丞病卒負官錢堯民徒跣二千餘里走控當道得寬其逋而貧不能舁喪土人憐之予地以葬堯民痛哭識其封而歸嘉靖間里人聞其行於官予巾服等諸生復其家萬曆縣志

嚴效字應之江都貢生性婉順事父母能色養有所規

增修甘泉縣志

卷十三

孝友

三

諷雖責逐無悔父母亦悟愛之如初嘉靖初奉詔旌表

授遼東都司經歷

康熙府志

柏英江都人延安衛指揮使秉性孝友父卒哀毀幾絕

廬墓三年感狐兔爲侶有司以聞旌表其閭

姓譜舊縣志

徐恩江都西鄉人家貧業農兄弟數人俱析爨恩獨終養膝下父患瘍侍藥餌甚謹日夜吮其患處父死母病痰不飲食者月餘時暑月恩伏床下身爲蚊囓無完膚每晨焚香籲天偶一老兵過其門暑著絮衣肘後懸竹筒貯藥懇一粒大僅如粟母服尋愈人疑老兵者仙也母竟以高壽終有司獎之稱孝子萬曆府志

王恁江都人郡諸生七歲喪父哀毀如成人長奉母蘇極孝母病帶九月不解侍母榻二十餘年母壽百歲卒容毀骨立三年不葷酒有司請爲鄉飲賔辭不赴御史陳某旌其門 同上

王隲江都人性孝友朝夕侍養其親必致所嗜兄早逝撫其遺孤同己子又嘗出己資助人婚喪周人貧乏里中誦其孝義 同上

楊守業江都人事父母曲盡孝謹母歿哭躄踊絕者數四自是勺水粒粟不入口越旬而死有司旌其門 同上

桑履直字日隣江都人萬厯間貢生少孤事母篤孝母

增修甘泉縣志

卷十三

孝友

四

性嚴色微不豫則長跽終日候霽乃起後子捷事履直亦竭盡孝養晨興必請親所嗜卽遠道難得務力致之友愛兄弟自居敝廬而以新築之舍予弟里人咸以爲履直有子 康熙府志

顧承學字思敏江都人鎮遠侯承光弟補郡諸生自處若寒士與兄承光甚友愛承光奉朝請京師承學每思之輒泣下因往省薦補錦衣居半載乞歸承光嘗奉使南還躬侍飲食病則煮藥進之其篤於天倫如此 萬厯府志

趙宗普江都人性至孝母八十病篤宗普年已六十割股以進母遂愈其子天澤亦割股救母病孫啟新道立

皆以孝友世其家乙酉城破婦葉氏阮氏卞氏相攜赴水死里人稱其一門孝義

康熙府志

蕭惟堅江都人生而朴誠性至孝父病瘡堅侍湯藥數年未嘗安寢及母病亦竭力焉親逝弟妹俱幼堅撫養成立經營婚嫁之事弟婦溫氏早孀撫其遺孤俾得守節及維堅夫婦疾劇子廷瓚後先刲股瓚妻病子日曠亦刲肝以救一門三代篤孝里中未有也

同上

管士俊字師明性至孝父病篤禱天願以身代父遂愈因歎爲人子者不可不知醫遂明醫術多活人所取酬值盡散予貧交戚族焉

府縣志俱繫名刲股誤

增修甘泉縣志

卷十三

孝友

五

附錄孝子順孫已旌表而無事實者共三十二人

施錫 蘇應芳 胡易 崔一鳳 華時敘 趙

聚奎 王自強 胡澇 李相 汪有誥 華時

中 蘇眉鍾 朱蕙 陳世雍 俞廷薦 張慶衍

史先知 程士珍 張元弼 趙天澤 甯華錦 倪

嘉會 彭以助 張文式 李之瑀 曾夢帶 高天

蔭 丁庚 李承蔭

指揮僉事

崔上言 宋朝臣 宋

朝卿 林中馨

割股

林中喬

割股

趙天澤

割股

續志考正趙天澤兩見

國朝方立禮字武城本歙人遷揚州父伊側室魏氏子也

八歲魏卒繼母汪氏有二子曰立化立乾而立禮事汪惟謹年十八父卒立禮時時問母起居汪疾則憂懼不食日夜奔走戶外少安乃已妻洪氏孝謹如立禮後汪攜立化立乾家揚州乙酉汪及立乾俱死立禮哀毀骨立立化亦早歿子女婚嫁喪葬立禮皆己任焉明崇徵間用宦者王坤督鹺立禮伏闕上書言不便狀爲通政所格年六十五卒雍正六年題 准建坊旌表 府縣志

金玉節江都廩生乙酉 大兵下揚州時親歿未葬玉節穴室中地瘞之封未完城破一卒至疑所瘞者金也將斫棺玉節匍匐伏棺大呼以身翼之復跪守土穴八

增修甘泉縣志

卷十三

孝友

六

晝夜得免祀鄉賢子奇選彥選皆諸生亦孝友並祀鄉

賢 參府縣志

郝明龍字雲蒸江都諸生明末父景春殉難房縣明龍號慟走壘中扶喪歸葬又北走上其事得卹典及廕乃念父死事之慘羸衣蔬食絕意仕進至九十四歲終孫

旭光拔貢生 參府縣志

管玉音字雲和幼篤至性 國初大兵下揚州玉音奉父匿興教寺佛閣上兵猝至欲刃之玉音以身蔽父號哭曰甯殺我無傷我父遂憐而免之子宏選宏進蕭日曠江都人幼有至性母病篤日曠炷香告天自刲

其肝始割之不得再割之乃得肝二片而脇下洞開露見五內天將曙日曠危坐燈下血滿衣裾手持其肝令婦俞氏和藥以進母猶戒婦勿洩母服之瘳日曠創甚

殞焉時年二十六里人感其孝立祠梅花嶺祀之

府縣志

王賔字仔園江都人能文善書法康熙癸卯舉於鄉歲壬戌赴禮部試竣聞父訃血淚迸下客往弔不能發一

語惟兩手據地目直視髭髮疎豎晝夜哀號水漿不入

口者五日而卒

府縣志

張中達字九達歲貢生幼孤事母最孝先意承志纖細必周母好潔每日爲母滌拭膾器生二子後卽不復入

增修甘泉縣志

卷十三

孝友

七

室冬夜曲臥母足後母或遣之泣曰母氣衰非兒不煖母病篤嘗糞以希其愈子庸德戊午副榜亦以孝友稱嘗哭父病目哭母目加昏再哭弟遂失明著有四書尊註會解乾隆二年旌表

李元健揚州人少有聲諸生間尤篤於孝友母年八十病雖矢遺必躬自浣濯孺慕之色終身不改與兄弟備

極友愛鄉人咸重之

康熙府志

趙蔭雄江都人生稟至性母薛氏抱沉疴蔭雄年十八見醫藥罔効遂齋沐絕粒長跪泣禱于天願減已算以延母年母病方愈蔭雄尋得疾不起里人哀之

江都縣志

俞士瑄字宣玉揚州人年十二侍嫡母病口承其唾母  
歿哀毀骨立及長父病顛天請代瀕危獲痊後父歿泣  
血三年身不入內口不茹葷寢苦枕塊皆按禮實踐之  
奉生母色養逾至生母歿喪葬盡禮一如其父與嫡母  
焉生平孝敬誠篤里人信服康熙四十三年題 旌 府  
縣志

高成琦字軼韓江都諸生甘泉人父以罪流三原母抱  
病不能起成琦每歲徒步三千里省父歸又負米養母  
一日父潛歸復還流所成琦侍行途中無賃驢費輒負  
父以行足裂流血及歸未久父歿成琦晝夜哀號乃抱

增修甘泉縣志

卷十三

孝友

八

父木主投義濟橋下死乾隆二年題 旌

參江都縣志

劉冀鏞字玉介先河津人補揚州府學生性端方敦孝  
友窮年讀書深探先儒性命宗旨集同志金玉節王玉  
陞等十一人講習董子祠試海陵詣先儒王心齋祠大  
暢良知之旨一時學者多宗之子夢錡能繼鏞學爲名  
諸生事鏞盡孝父歿後其生平所嗜飲食終身不忍進  
好施與有以子女來典鬻者嘗量其急周之而俾其子  
女得善所儀徵吳姓者疾篤聞錡名乍以老母幼弟相  
託錡養之數十年且爲其母治喪爲其弟授室焉 康熙  
府志

管宏選字彥遴號竹巖增廣生幼有至性九歲失母將

俞士琮字宣玉揚州人年十二侍嫡母病口承其唾母歿哀毀骨立及長父病顛天請代瀕危獲痊後父歿泣血三年身不入內口不茹葷寢苦枕塊皆按禮實踐之奉生母色養逾至生母歿喪葬盡禮一如其父與嫡母焉生平孝敬誠篤里人信服康熙四十三年題 旌 府志

高成琦字軼韓江都諸生甘泉人父以罪流三原母抱病不能起成琦每歲徒步三千里省父歸又負米養母一日父潛歸復還流所成琦侍行途中無賃驢費輒負父以行足裂流血及歸未久父歿成琦晝夜哀號乃抱

增修甘泉縣志

卷十三

孝友

八

父木主投義濟橋下死乾隆二年題 旌

參江都縣志

劉冀鏞字玉介先河津人補揚州府學生性端方敦孝友窮年讀書深探先儒性命宗旨集同志金玉節王玉陞等十一人講習董子祠試海陵詣先儒王心齋祠大暢良知之旨一時學者多宗之子夢錡能繼鏞學爲名諸生事鏞盡孝父歿後其生平所嗜飲食終身不忍進好施與有以子女來典鬻者嘗量其急周之而俾其子女得善所儀徵吳姓者疾篤聞錡名乍以老母幼弟相託錡養之數十年且爲其母治喪爲其弟授室焉 康熙府志

管宏選字彥遴號竹巖增廣生幼有至性九歲失母將

縣未仕而卒

閻甯生字天皆甘泉歲貢生篤于孝友季弟班生早世甯生思念不置曰往號于墓側聞者哀之晚年授望江訓導以老疾辭

卞時孜字二敏郡庠生幼孤事祖父母盡孝事諸叔視猶父時存誠敬佃戶有鬻妻者贖使完聚某土豪奪某石工業并逼嫁其妻力爭之獲免其餘周恤困乏不一而足晚年愛閒靜構別墅奉母以居讀書侍養自號雲籬主人著作亦甚富

金維良幼侍母疾聞醫者謂將殆遂潛割股肉置藥鑊

增修甘泉縣志

卷十三

孝友

十

中伺其融和以進母食之神旺不數日而復其初維良方裏創負痛會有以畫質者父令展閱舒卷竟數十軸不敢少露其苦後家人於其就浴時見癍痕始知之時年方十二歲人謂其孝根天性云

焦淇字衛水黃珏橋人性至孝偕其婦承事庭闈不遺餘力兄弟七人最相友善無違言飾節見族黨有忿爭者必多方排解甚至涕泣以道之平居嘗置櫬給貧人立義塚埋死骨義行良多也

房永興北鄉農家子也性至孝父母疾輒籲北辰求代往往見空際有神臨之父母病隨愈乾隆間父患危疾

永興起子夜割肝若無創者仍刈麥于田創忽大裂人始覺之四年卒

趙有彬字岷江甘泉人事親極孝母病割股療之學使魏學誠額以表其廬子綬庠生紘維俱太學生

續志考正趙有彬又見方技內

謝應冕孝事母推產讓其兄兄產鬻盡又養兄嫂與姪四十餘年并及再從伯叔同懷之姊早歲喪妻終身不再娶子余銓四歲無母育於母姊余及長亦極孝謹并葬伯考膳從兄兼篤師友雍正間庠序欲公舉銓孝廉方正以應

增修甘泉縣志

卷十三

孝友

十一

詔辭

卞懋中字笠亭甘泉人父國柱嬰瘡不起懋中籲天割臂肉和藥以進時母王氏亦割股以療夫病前後進藥病遂霍然太守尹公會一邑令龔君鑑及闔郡士大夫皆有詩美其事

附錄孝行

參萬曆遞康熙  
雍正府縣志

車鳴和 方陳章 車映昌 仲儀 汪恕 汪源澍 蕭維基 倪成三 李登豸 史大生 吳兆麋

附錄割股

高策 武進士 閻士彥 周之藩 黃士誠 李之瑀

黃琮 汪三才 朱呈祉 吳士俊 金天錫 胡

宗安 余鑣 梁崇 甯宗越 史行義 程國

柱 蘇汝爵 蘇汝祿 蘇汝顯 吳遂 八歲 陳

道 郝玉三 九歲 史璜 藍鍾華 江晉 十二歲

王詢 黃虞治 黃兆麟 汪之炅 王國璠

羅秉瀚 羅秉泓 以上原志

張效陳監生邵伯鎮人事後母葛氏孝氏病亟效陳割股以救尋愈更閱十一載而終事在乾隆三十四年任安國事親孝親疾屢割股以療之邑人吳均詩有云

增修甘泉縣志

卷十三

孝友

十一

割肝療父三剝股救母七慎勿謂愚孝其愚不可及

練昆父病醫藥無效私剝臂肉和笋湯以進父尋愈昆創甚月餘遂卒秦觀察鬻里居為徵詩表之

李文場選貢李鳴謙子天性純摯事親孝父病亟欲割肝以救為家人驚覺不果及歿水漿不入口委頓不支已潛割左臂肉入藥進矣後父十二日卒時乾隆五十五年正月也年十八歲里人呈請

旌表崇祀孝子祠

邢楷字端士幼有至性母病百方求療不愈未逾月以毀卒年二十一事在乾隆甲寅年鄉人以孝請旌

汪世勳幼攻舉子業以病輟家甚貧事母孝母病剖股和藥進之遂愈弟世烈游京師妻死遺一子甫三歲世勳撫如己出教之成立世烈舉壬子順天鄉試二十年客游無內顧憂者胥兄力也

以上續志

郭均字職民先世自關中來揚州入商籍改歸甘泉代有文譽均少俊異由拔貢中乾隆五十一年舉人聯捷成進士授戶部主事到官七日念本生母年老在籍卽告歸家甚貧主廣陵書院講席日依膝下如孺子母高大年以終服闋後尋卒

徐玉立字竹初元軾子幼時能先意承志得親歡心父

增修甘泉縣志

卷十三

孝友

十三

病奉出就醫時母亦多病百勞叢集父歿哀毀越日乃甦嗣以養母不欲出里門母命應試中嘉慶九年舉人聯捷成進士卽用知縣改中書以母年邁不就官母病篤臥榻三年餘親治醫藥母終遂無意仕進孺慕終身

道光二十二年以孝行

旌表子櫜道光二年優貢生山東德州州判梓邑諸生

家傳

吳渙字待軒母善病困頓床簀轉側需人飲食便溺櫛沐搔抑皆渙身任之少暇則垂簾賣卜以謀藥餌需又少暇則手一編坐母榻前二十年不稍懈母以久病卒

家益貧工詩著枕流閣詩若干卷

思古編

張善增字寶臣父卒哀毀盡禮奉母飲食惟所欲母親見四世年九十三無疾而終道光十三年大水歲飢弟欲分爨善增盡以家產讓弟弟夫婦繼亡遺二子善增又爲撫育教誨鄉黨稱義同治元年薦舉孝廉方正辭不就長子麟書廩膳生次雒書孫榮生均庠生

徐大魁字述菴嘉慶二十一年副貢事親有至愛遭父母喪號泣終歲目爲之眚兄病篤大魁齋戒爲文禱於神以身代兄兄愈而已遂卒著有周易集說若干卷

傳畧

蒯樞字慎齋少貧習賈天寒與父共被臥以溫父足兄權卒於嘉興樞迎喪歸三晝夜號哭粒米不入口數月

增修甘泉縣志

卷十三

孝友

十四

乃起子徵久性篤謹樞歿以哀毀卒

傳畧

陳禮璜一名宗璜爲安定書院齋夫中年目盲藉傭值以養母母病侍奉備至歲荒乞食以養自食糠粃母苦蝨暗捫不盡夜焚香祝天蝨不復生母臨終謂曰我病非兒善事無以至今日死若有知必佑汝目復明母歿禮璜慟欲絕泣血不止血止目果明太守桂超萬旌其門曰孝能啟瞶後舉充立貞堂司事咸豐三年城陷罵賊不屈而死嘗於門外拾得遺金待其人至還之當時以爲孝而兼廉云

符啟祥字泰占監生母年邁患外證醫云氣血虧損毒

難驟出啟祥日按瘡口吸之毒盡腫消旬日而瘳同懷  
七人友愛倍摯居邵伯鎮義舉皆首創焉

行畧

江賡學字載修諸生父璧擅文名同治三年領解聯捷  
成進士賡學性至孝咸豐三年奉祖母避寇鹽城時母  
居北湖病腹腫以侍祖母不能往省憂泣不食嘗一夜  
手循衣尺繞室而行挾尺中銅識殆盡八年賊擾北鄉  
賡學奉母伏湖濱時爭渡者衆舟小榜人僅掖賡學入  
乃踊而呼曰吾與母相依爲命豈能獨生榜人感其義  
別具舟以渡同治三年母病甚值鄉試不欲行母怒迫  
之及入闈夢母曰吾病已愈兒盍歸旣歸母已先一時

增修甘泉縣志

卷十三

孝友

十五

卒哀毀不勝卒以思母致病歿年三十一賡學力學甚  
篤喜倣東坡文著有澄川詩文集若干卷

行畧

王恩綬父患膈瀕危恩綬手刃割肝進頓愈後以傷重  
未近父榻父得其情病復作不治恩綬哀毀骨立越三  
年粵賊陷城遇害

談禮臣字克儀父病篤焚香默禱願以身代兩次割股  
疾賴以瘳父歿移榻母側十數年如一日行誼端方著  
有格言卒年七十已奉

旌表

王廷槐父病割肝和藥進漸能湯飲旋以創發而卒又

職員王榮綬亦以割股救父聞

附錄世傳其孝而事實無考者

徐殿榮徐元慶李鵬年張榮光陳家璜陳標苗秀

府續志

俞士瑄陳家集人歲貢生集北鄉有孝子墓集西街有

純孝坊康熙四十三年

旌表七世孫鴻郡庠生燿邑庠生

喬松字茂青邑庠生少孤幼秉慈訓性至孝稍長出就  
外傳奮志讀書冀博一衿以慰孀母弱冠游庠鄉試屢  
薦不售仍閉門課子研心經史生平無疾聲厲色敦品  
砥行足未一履公庭道光二十九年揚城大水僱船往

增修甘泉縣志

卷十三

孝友

十六

洲圩救拯難民全活甚衆鄉里稱長者得議叙八品年  
六十三而卒著有聽秋書屋詩鈔待梓子勳道光丙午  
科舉人

鄭芸字香谷監生父如僑以醫名素有隱德年逾八旬  
兩膺粟帛授八品壽官臨終時詠詩云憑將浩氣還天  
地重展山窗讀道書著有半畝草堂詩存待梓芸幼穎  
異讀書百行無志進取事親克盡孝養母患膈延醫不  
治割股和藥以進遂愈母年九十卒後哀毀骨立芸年  
七十九而終郡守李璋煜贈年高德邵四字子孫皆有

聲庠序

劉同字字雪樵道光庚子舉人早失怙秉母教讀書母病割股就職州同加同知銜通史學著有較經堂文集侯正理永安鎮人性至孝父彩庭患痢日久正理時年十三家貧無多衾褥正理解所著之衣湔洗更換父賴以安值嚴冬單衣不以爲寒年十五母復患痢正理侍疾亦如父時後母疽發於背醫云非刀割不能出膿正理不忍乃以脣吮疽口膿出母痊毒結正理咽喉遂殞命大吏以孝行入

奏嘉慶十八年奉

旨旌表建坊並入祀縣學孝子祠

增修甘泉縣志

卷十三

孝友

十七

毛夢雲字瑞伯諸生父尙鎔監生世居邵伯埭地濱湖河屢苦水患救災備荒靡不竭力襄助性肫摯孝友姻睦內外無間言慷慨好施曾集昔賢格言以訓子孫卒年六十九夢雲克承父訓守身狷介無一毫苟取然於解推之事恒勉爲之以繼先志歲暮有族弟某叩門告乏時家無長物拔婦釵與之里人至今猶稱道不衰子鳳音官湖北同知援例請

封二品

毛夢齡字大椿太學生邵伯鎮人天性純誠父尙賢病篤晝夜侍奉衣不解帶者年餘嘗糞剖股孝行備至父

歿未百日以毀瘠卒道光十七年

旌弟瀚官陝西候補知府西安府同知

毛尙達字天衢監生邵伯人天性純篤事親至孝生平好施濟博愛堂及普濟堂等不惜捐貲卒年七十有三以孫鳳舉官

贈郎中子三啟壬夢葵均庠生候選訓導夢蓉候選道庫大使家雖中落遇地方善舉無不克承先志孫鳳舉戶部雲南司郎中

張文光字星珠邑庠生敦孝友好讀書家貧一介不苟取雅工制藝視進取之途澹如也晚年課讀循循善誘

增修甘泉縣志

卷十三

孝友

十八

嘗樂勸人爲善鄉里有長者之稱卒年七十有二苗孝子某邵伯人事母極孝母病割股以進卽愈里人張鴻鼎有苗孝子詩通州沈都憲飴園岐主講安定書院聞其事作苗孝子割股詩載在伯山詩話其詩曰猗歟苗氏揚郡之英克敦孝道彌篤真誠母氏嬰疾殫殍病成子曰傷哉祈禱無靈夷于左股骨燼心驚卓哉有子乃更生孫父愈母疾子體父心一堂茹苦蘭秀于庭粵稽古昔聿表厥聲吮癰誌痛療目然燈矧茲兩世子儀父型我與之贊用告公卿

徐龍光庠生父櫂道光壬午優貢山東德州州判性至

孝讀書目數行年十六入邑庠以母病躬侍湯藥染疾物故聘同邑孝子毛夢齡之女過門守貞事翁姑三十餘年克盡婦職同治十年

旌

湯世泰字三陽國學生世居方家巷世泰爲遺腹子其母朱氏與伯母曹氏俱一門苦節世泰曲盡孝道至性樸誠

左元甲字蕙君世爲甘泉縣學書吏元甲天性純孝早失怙母陳氏苦節數十年母疾躬親湯藥寢食不甘母卒號泣屢欲絕食待經理喪葬事畢元甲因思親哀毀

增修甘泉縣志

卷十三

孝友

十九

成病伏母墓呼號一慟而卒年四十九歲由採訪局彙

請

旌表

監生吳敘九年二十四母疾割股以進父病危復割股和藥以進

吳俊成年二十五父病危割股和藥以進

常文鑄割股和藥救父又民人吳景山年十六割股救胞伯

邵伯張某斷掌療親母病愈邑令徐成歟贈至性通神

四字

華傳福戚墅鄉人家極貧母病割肉和藥以進尋愈孝  
傳里黨父幕游燕趙間咸豐初卒以道路梗塞傳福欲  
往負骸骨未果同治十年附友人公車至京師閒關數  
百里徒步負父骨歸葬往返五千里艱苦備嘗光緒元  
年由採訪局彙請

旌表

楊俊其字鳳鳴監生嗣父東山早故嗣母邵氏過門守  
貞俊其事嗣母以孝聞族衆貧者恒竭力周卹長子邦  
興殉難四子沛從九品五子霖福山營把總次子澍直  
隸知縣署安徽鳳陽府通判孫誥江浦縣教諭

增修甘泉縣志

卷十三

孝友

二十

潘鏞字子揚府學增生幼孤事母以孝聞母疾刲股進  
母歿哀毀骨立性孤介貧不能炊對戚黨不一言少通  
毛詩文章詞賦恒以詩義闡發成一家言歿後子幼稿  
不傳

房永興農家子也居崔家嘴目不知書而至性過人始  
母病永興刲股肉進之愈已而父病股肉不復可割乃  
破脅出肝以療父父疾愈未嘗使父母聞也創甚倦臥  
於牀母以其不力田也責之強起擔麥隴上脅裂血淋  
乃共知永興割肝事扶歸臥數日創合不死數年以病  
卒里人陳儼作詩記其事邑令龔鑑立石表墓墓在黃

珏橋東南七里陳家衝田戶屋側

北湖志

蔣蔭昌邑廩生邵伯埭人蔣編修繼軾其高祖也時縣未分治故籍乃隸江都昌孩提喪母事後母以孝聞比長境慕貧筆耕自給食指多恒苦不繼而事後母益謹趙枚字廷卜性孝友自奉儉約遇睦姻任恤事厚施不少吝卒年六十有六

邱廣生字曉秋邵伯人咸豐辛酉拔貢朝考用教諭父長德家貧好施一日稱貸歸聞鄰家有鬻女事卽以所貸金贈之廣生天性純篤幼時知父迫於債思畢命日夕提防忽一夜聞父啟門出廣生潛躡其後至河干父

增修甘泉縣志

卷十三

孝友

二十一

將赴水廣生抱持哀號誓與俱死乃止旣長敦品嗜學工楷書先後入吳仲仙制府幕中十餘年以戎功厯保同知直隸州加知府銜母卒哀毀骨立逾年卒長子正襄中光緒己卯舉人

杜慶德年十四父病私割股肉和藥以愈

以上新增

篤行

五代吳元嗣揚州人子孫壽皆百歲一門前後義聚不分守臣聞于朝賜義門置義順二臺旌之

明南畿志

續志考正卽百齡人瑞吳琬之父白砂村屬眞州

宋孔旻淮南人隱居篤行終身不仕美節高行

沈括夢溪筆談

唐陳融廣陵棠邑鄉人有隱德不出鄉而里閭化之年七十二卒貞元初呂溫寓居是邑見鄉之人父子長幼各有倫序歎曰芳蘭所生其草皆香美玉所集其山有光殆有賢者生於是乎遂停車累日周訪故老皆曰嘗有陳融孝慈仁信不學不仕今也則亡清風猶在溫慨

增修甘泉縣志

卷十三

篤行

一

然曰先生以純德至行沉輝含耀可無以表章之哉乃披典校德私諡曰貞晦先生

萬曆府志

續志考正融棠邑鄉人今六合也唐屬江都郡

元維揚秦昭妙年遊京師其執友鄧載酒祖餞旣而昇一殊色小鬟至前令拜秦因視之曰此吾爲部主事某人所買妾也幸君便航可以附達秦勿敢諾鄧作色曰縱君自得之亦不過二千五百緡耳何峻辭乃爾秦勉強從命迤邐至臨清天漸暄夜多蟲蚋納之帳中同寢直抵都下置舍館主婦處持書往見主事曰足下與家眷來耶曰無有主事意極不悅隨以小車取歸踰三日

謁謝曰足下真長者也昨已作荅簡附便驛報吾鄧公且使知足下果能不孤公付託之意矣遂相與痛飲盡歡而散後秦之子孫咸至顯宦

南村輟耕錄

陶宗義云柳下惠顏叔子千古以爲美事今秦之於此女也相從數千里飲食起居無適而不同又非造次顛沛者之比可爲厚德君子矣

同前

續志考正昭已見人物傳內

劉信甫揚州人郡富商曹氏奴曹瀕死以孤託之孤漸長其叔利孤財妄訴於府曰某資產未嘗分析盡爲姪所據郡守劉察其詐直之叔子以父訟不勝慚憤毒父

增修甘泉縣志

卷十三

篤行

二

死而復訴于府曰弟挾怨殺吾父適達魯花赤馬馬大者受署之初與守不相能竟欲置孤法并以中守引致百餘人皆抑使誣執孤殺叔守受賄之詞未鞠信甫信甫曰殺人者某也孤實不知守亦無賄旣被鍛煉無完膚終無兩辭初信甫先遣人密送孤過京師避于一達宦家囑之曰慎無出至是乃厚以金帛賂達魯花赤孤得免而信甫減死旣而叩蹕陳告達魯花赤以罪罷去守復官凡獄訟道里費蓋鉅萬計孤歸悉算償信甫曰奴之富皆主翁之蔭也今主有難奴救脫之分丙事耳

寧求報哉力辭不受

同上

明顧黑子揚州人與其主顧圭以戎籍隸泉州洪武初圭坐事繫獄累歲黑子採薪給圭圭釋歸復以甘脆爲圭養圭死其子貧甚黑子仍爲酒家傭給其衣食爲娶妻人歎黑子微賤而有士君子之行

名山藏

郝理北京錦衣衛籍生十齡而孤家貧甚有從父梁賈揚州富巨萬理往依之正德末年中貴擅權諸大賈逮詔獄梁在逮中諸大賈相顧愕眙謂往當論死矣理挺然請以身代梁往旣對簿申冤狀反覆數千言不少絀刑曹爲白其事竟得赦梁名并諸大賈賈因梁咸奉金願交驩理理却之再進再却初理歸梁梁以凡兒子畜

增修甘泉縣志

卷十三

篤行

三

之至是始重理理遂移家於揚梁卒理嗣其業又十年其富十倍於梁焉理性好納結饋遺諸父執歲不虛遇貧乏之士尤時時周贍之子莘登嘉靖丁未進士仕至湖廣布政使參議理以子貴封奉直大夫

萬曆縣志

續志考正理已見人物傳內

陳東山字魯望江都人慷慨多大節其所親嘗寄千金逾十數年死東山召其子還之封識如故又嘗挾千金賈穎上僕盜其半事覺株連數十家東山白官罪止其僕眾得免累穎人德之

萬曆府志

閻金字體礪其先陝西人父琮爲合肥主簿罷官貧不

能歸因占籍江都金任俠好義嘉靖戊午倭躡江淮知府石茂華發民守城民望見倭薄城率股栗時西北賈客揚州者數百人金召其豪共登陴射殺其渠魁倭聞陴間多塞上人語又疑其矢非邊外勁弓不能發遂宵遁境保無虞金以是名聞江淮其孫士選士聰曾孫汝梅皆魁鄉舉登進士 同上

史起敬字德聚江都國學生授建昌府經歷曾破流賊活俘民有功當擢用卽乞歸弟起聘少孤比長析產起敬推身所積者均分之每濟里人困乏咸號爲長者 萬歷

府志

增修甘泉縣志

卷十三

篤行

四

史宗顯字及達江都人知書重義有山東亓克孝者來揚與宗顯善其妻亡子繼歿子婦抱夫木主自縊克孝貧不能殮宗顯爲殮殮擇地以窆且令子孫世卽其墓祀之通州貢士楊孟堅亦善宗顯除興安判止一子次廣陵猝亡孟堅慟絕不欲之官宗顯勉其行以一婢贈之冀其生子孟堅竟卒於任所適宗顯遊崇川孟堅見夢于其友孫孟揚曰明日史君來爲我謝之詰朝夢揚訪得宗顯于客舍語以故驚異因爲歸其喪宗顯以明經授兩浙運判遷福建理問卒年七十二 同上

卞珰字汝用江都人世務農業治家有法五世同居士

民推舉嘉靖十三年有司覈實上之詔旌其門

嘉靖維揚志

夏應芳字元成江都人父翠幼孤貧鬻蔬奉母甘旨未嘗缺應芳中萬厯戊子鄉試性豪俠喜結客名聞于時浙人沈氏以敝笥寄應芳家曰藏書十餘年不取沈死應芳訪其子歸之封識宛然發之書所覆皆白金計五百餘兩其子初不知方貧無食于是感激終身里有不孝子李打虎性兇暴虐其母應芳使勇士縛之令其母坐上坐杖之數十其人叩頭流血長跽母前請罪應芳令坐母側與食飲勸勉遣去後遂爲孝子應芳會試屢不第會明末黨事熾遂絕意仕進卒於家孫九敘中康

增修甘泉縣志

卷十三

篤行

五

熙丁巳科鄉試

王巖異香集

劉有恒其先河津人家江都以明經貢太學生性慷慨好施與孫長發康熙丁未進士

同上

高孝健江都人世有令德孝健誠愿端謹以義理自勉

鄉閭取範焉子以位另有傳

同上

劉有綸字耿邗先世山西人家江都舉於鄉兄弟八人登乙榜者三綸性淳慈言動不苟著書講學不以私事入公府有上相國葉向高論黨禍書時甚稱之子梁嵩另有傳

同上

劉先聲其先關中人家江都崇徵間拔貢尋舉賢良方

正性淳篤好急人之難凶歲捐資倡賑鄉里賴之子師  
峻順治丙戌舉於鄉芳世康熙丙辰進士同上

扈國學字翼民明末高傑縱兵擾邗將東及仙女鎮國  
學率鄉人各持鍋蓋一矛一以禦之號鍋蓋軍事聞給  
冠帶不受孫際興穀城知縣康熙縣志

汪文德字是修先世祁門人家江都文德自祖父來同  
居四世崇徵庚辰歲饑捐資倡賑多所存活乙酉揚城  
破文德與弟文健詣軍前謁豫王獻三十萬金犒師曰  
願王下令勿殺王義而許之欲授以官辭曰無才請歸  
里給一木符令還同上

增修甘泉縣志

卷十三

篤行

六

鄭之彥字東里歙人遷江都爲郡諸生五世同居稱義  
門宗伯姜逢元謂其生平然諾無二言閨幃無二色云

康熙府志

栗寬字朝用揚州衛人嘗暮歸道拾遺金守其人至還  
之遺金者分半貽寬弗受餉以雞黍亦却之里有死不  
能棺者傾橐以助不給則質貸以供未嘗望報焉萬曆府志  
張福揚州人黃國相之僕明末福與國相同遇兵國相  
死福頸被創止氣賴未斷脇下亦被數刃從積屍中以  
手捧頭匍匐奉主媪匿僻處主媪以弱篋支其頭越數  
日勢定創亦稍愈始護送主媪詣北鄉而幼主被繫至

金陵福行乞遍走諸營於牧場得之至夜背負歸黃氏  
母子復聚而福亦終老其家焉

康熙縣志

按元劉信甫明張福皆義僕也其事卓卓可  
稱述不忍沒焉迺依後漢書獨行傳李善例  
載入閱者毋以分賤而議之

國朝郭光字自瞻歲貢生性孝友伯兄子失於兵傾囊贖  
歸與己子無異視仲兄孫幼以己子爲之子師友之無  
後者春秋爲位祀之所輯有四書講義易詩正解晚年  
猶嗜學不倦舉鄉飲大賓子延齡彭齡鶴齡俱有文行  
彭齡字商山康熙甲午舉人出繼子嗣齡進士別有傳

增修甘泉縣志

卷十三

篤行

七

府縣志

程量入字上慎本歙人遷揚州天性孝友尤能周人之  
急不求人知亦不望報晚年舉鄉飲賓士民翕然稱服  
子之諤字象六善承父志以僮推重鄉黨康熙甲寅  
乙卯間軍興旁午之諤籌餉急公有功國計御史郝浴  
上其事晉五品秩

府縣志

史以遇甘泉人進士荆南參政啟元從子順治戊子舉  
於鄉負異才究心當代時務江都里役繁重每歲積欠  
皆征之里長以遇倡議五戶遞催延至下戶使民各自  
輸納里民便之已而河隄決以遇白有司蠲租發倉廩

以賑全活甚多長子爽中丁酉鄉試能紹父志當隄水之決也爽方公車留都中繪流民圖上之執政會撫臣奏聞執政以爲言

上惻然憫之遣大臣賫帑金設法以賑又著維揚治水圖說陳當事亦獲舉行淮水之決周橋也大臣來勘鳳泗民不肯塞爽身任其事得允塞焉任六安學正未至卒於途

謝良瑜字鍾山甘泉人讀書務實學工騎射明末盜賊蠶起犯邵伯鎮瑜率里人團練義勇禦之生全數萬戶當事奇其才授之官不受性勁直慷慨樂施三黨多待

增修甘泉縣志

卷十三

篤行

八

以舉火歲稔出粟以飯貧者晚年益嗜學好著書有畦園集舉鄉飲大賓子家玉辛丑武進士家樹戊午武舉

人 雍正府志

史在策太學生居常置義學教族黨子弟事師最謹歲饑煮糜粥以賑疫施楸福數千瘞死者家僕誤聘良家女急毀約謝之子恒郡諸生以學行稱孫慶義申義先

後成進士 雍正縣志

郭士璋字子秉士璟弟事親以孝聞順治乙酉 大兵下揚州士璋奉父匿興教僧舍承塵上日冒鋒刃懷餅入寺餉父在寺門積屍中間微息跡之有七人重創喉

斷而未死士璋俱負之就僧舍爲拭漬血以藥傅之煮糜粥飼之七人者號呼指使悉應之如其意及創復始去不問姓氏七人亦不問活我之爲某也隆平後奉父以壽終子誌成進士另有傳

舊府縣志

李濂字長源明大中丞植之孫性端重篤行誼雖華胄若寒素然子宗孔成進士後濂猶挾策應舉子試與人交重然諾苟非其義一介不取鄉里以此重之

同上

閔世璋字象南本歙人世居揚州老屋數椽布素自奉而遇族黨之貧老孤獨者竭力周之葺學宮新聖賢像歲稔設法捐賑創育嬰堂規畫盡善通郡呼爲善人四

增修甘泉縣志

卷十三

篤行

九

舉鄉飲賓卒祀鄉賢子寬亦仁厚能紹父業

同上

吳于悌字愷仲歙知名士從禮之子從禮一生積學不樂仕進明末攜家居揚州歿于悌篤至性奉母最孝而有膽畧具經濟才所行皆公而義康熙十八年江都四境饑于悌出萬金購米親至其地徧賑之全活數十萬人御史郝浴上其事 賜正七品秩子元誠字言修能承父志撫孤姪有成且樂善好施予遠近稱之

同上

汪光元字萬資本歙人年十二隨父加民遷居揚州躬勤孝養一日挾厚資往吳門道遇他舟覆舉橐與之不稍吝康熙十三年三藩作逆以軍需加餼課三逆平仍

舊額而每引溢課五分未豁光元走都門定以河東爲之先兩淮一例並獲全免又鹺事不便於兩淮光元懷疏赴通政司陳說疾苦共奇其才爲之轉上卒奉俞旨先墓在歙兵燹之後被人侵葬光元一一恢復之并置祭田供先祀贍窮乏而教諸子登仕成令名以

覃恩誥封通議大夫河南管河道布政司參政年九十一終郭梁明初侍郎郭任之後少以孝友聞長工醫循禮散

施年八十八樂善不倦

府志

梅魁先字占百貢生康熙壬戌與友王賓同客都下賓以百金貯魁先處無一人知者賓歿京邸櫬歸魁先後

增修甘泉縣志

卷十三

篤行

十

返卽至賓家出原金置賓靈几哭而還之

雍正縣志

胡夢豸字去邪上虞人遷江都康熙甲寅年二十二隨父歸越過一市適山賊劫人財豸父噴其不義賊怒抽刀將殺之豸從後拳擊撲賊市民羣起撲殺之俄而賊大至欲屠其里豸曰不可以我故害一鄉也獨身詣賊寨被礮求遺骸不得止獲其首里人葬之歲時致祭

同上

馬鳳藻字羽皇邑諸生有膽氣年十二值寇警城晝閉家斷炊有米在東鄉勢不可致鳳藻夜縋城出抵莊上趣運米入城眾莫應者乃自解繫腰橐實米其中負之徑走走失道邏者獲之縛送渠帥帥憐其童也授一旗

令去歷諸營驗旗釋放遲明抵家父母驚喜問狀笑對曰前聞子路負米兒亦一人也何渠不若後父歿孝養母數十年依依如穉子嘗酌酒墓下呼曰兒老矣不復童時負米也生平與人交不作握手熱有憂患輒力振之家不舉火從人貸錢市薪道遇被火者悉付之一族人爲奸人餌潛攜二女出境藻聞信馳奪之還其好義皆如此類

劉長發字存永其先河津人遷江都登康熙丁未進士宅心寬仁動合規矩閭里稱爲篤行授中書舍人遷虞衡司主事議免閩越仙霞解炮之役甲子典試廣東稱

增修甘泉縣志

卷十三

篤行

十一

得人

程濬字洵遠本歙人居江都父銓孝友工文章歿祀鄉賢濬登康熙丙辰進士官禮部郎爲尙書所倚重出知大名府寬厚和平吏民安輯大名百姓建祠祀之

朱璣字宮載江都諸生天性醞謹潛心理學著有大易捷解嶽起堂文集子潘康熙庚辰進士

魏都字虞成歲貢生居瓜州順治己亥海寇猝至都適送母避湖中父尙在城內都聞急徒跣奔百餘里雜負擔者入城負父出母病隔不能食都奉侍榻前每日亦止啜粥一盂執親喪毀幾滅性事兄極恭恂恂退讓未

嘗有言色之競也更能濟人危急周族姪之嫠婦俾得終其節焉所著有晚香閣集子嘉琬孫元嶠皆舉於鄉

雍正府縣志

方祖隆字爾郅歙人遷江都有至性母吳病膝行禱於山兩跗盡腫待兩弟友愛誠篤尤能周恤貧乏鄉人德之子覲累官布政使別有傳

雍正府縣志

卞祖愛字合凡江都諸生讀書力學以孝友稱于鄉黨子兌陽亦諸生父母歿皆廬墓三年人謂其不負其庭訓云

卞漢陽字楚度江都諸生弟汾陽以事被累漢陽代至

增修甘泉縣志

卷十三

篤行

十一

官引爲己罪官知其誣得免生平周恤三黨敬禮師友

鄉黨咸推重焉

江都縣志

景于禮字子介江都人性孝友父歿讓應得之產與其兄弟而以舌耕養母母歿喪葬胥以身任之其三兄貧無子于禮養且葬事嫂一如兄撫少弟尤篤以子考祥

貴封監察御史

雍正府志

卞震陽字長卿副貢生嘗途行爲擔負者撞落二齒家人怒執之震陽曰此無心失也急揮使去其器量如此孫爲璵字魯玉素孝友且好善生平多給藥治疫煮麩賑饑施櫬置義塚之事康熙間給八品頂帶孫承澤戊

子舉人

鄭兆桂字秋占太學生性孝友多濟人困乏臨歿檢篋中數千金之券焚之孫濤丙辰恩科舉人

蔣以化字德鈞號斌園世居邵伯爲諸生時樂善好義鄉人德之任漢陽令值吳逆之變軍需不以累民士庶感戴著有陽春集晴川錄道其政蹟擢延安郡丞督撫交章保舉以知府卽用乃卒其妻妾潘氏孫氏朱氏皆青年矢志皓首完貞子三人駟任中牟少尹隸中壬辰進士任廣東守備驩國學生

汪應庚字上章號雲谷本籍徽州歙縣潛口居維揚家

增修甘泉縣志

卷十三

篤行

十三

計饒裕好施予郡邑中公事他人力不能行者獨能毅然興舉之如賁賑施藥捐修

文廟資助貧生贊襄嬰育激揚節烈建造橋船濟行旅拯覆溺之類皆力行不倦動以十數萬計兩邑人士頗多觀感當事聞其義於

上蒙

世宗憲皇帝恩賜光祿寺少卿加三級乾隆五年內以捐賑及增八廠賁賑題蒙

恩賜又加二級給以正四品郡人德之公呈立碑紀其事於平山之巔七年秋水溢又倡捐六萬金輸諸公

附錄碑記碑以志功德昭諸磐石示不朽也然非實  
有濟于民物感于人心則言非直道之公不足使百  
世下傳誦而興起吾鄉光祿汪公上章其積行有聞  
非一日矣往歲賑場竈賑江洲賑隣邑之丹徒興化  
濟人各以數萬計其修學宮置學田助鄉比試士之  
資斧則有功  
聖門興廢墜之勝蹟表幽潛之節義則有培風教至於  
敦本睦族濟困扶危以及施藥救生諸善舉未可以  
更僕數

世宗憲皇帝

增修甘泉縣志

卷十三

篤行

十四

天綸褒寵

特授卿貳穹階用以風勸薄海

今天子復加議敘郡邑諸當事疊舉鄉賓固皆彰彰耳目者  
也乃公尤務仰推

皇仁廣其惠澤歲在乾隆戊午秋禾不登哀鴻遍野近而四  
郊遠而六路災黎舉岌岌乎有委填溝壑之憂公首  
捐萬金倡請賁賑其時兩淮公立八廠廠各董以二  
人惟平山一廠則公獨辦焉經紀有方給散有序男  
女有別坐立有所就食之眾各皆熙熙然開口得哺  
其攜家設篷山畔者更日出粟米以益之俾得腹果

再餐而憐其片蓆之莫蔽雨風也則有蘆箔之增憫其沍寒之凍僵肌骨也則有薪炭之賜間遇死亡則施之棺槨助之殮錢舉而瘞諸高原德施蓋周詳而曲盡矣閱次年春賑期報竣八廠胥停公念青黃不接災黎覓食無從前雖死緩須臾終且殍斃道路急謁院司兩憲請爲展期而議多輾轉公慨然曰自我發之不當自我收之乎遂獨引爲己任捐增八廠各一月先據諸廠之董事者計共需米一萬七千石迨後則遠近襁負者日至眾益以多用米至二萬八千九百石有奇採辦之價至四萬六千餘兩而其他之

經費不與焉是舉也按一月之籍存活至九百六十四萬一千八百二十口嗚呼不亦庶哉夫史冊之所稱救荒者雖發倉庾善調委張而大之亦第謂活人萬數未有若是之多也公則善蓋一世度越古今謂不當鏤諸金石流示無窮使天下後世之是則而是效耶在公以實心行實德曾無驚於其名而秉懿攸好之同誰不樂道恐後其事既通報臺省具牘入告貞珉之鐫布於法爲宜爰公請府憲奉批允行平山固卽公捐賑之地輿情踴躍從事爲製文礱石以立諸其巔公之功德其與茲山共不朽云

朱珣字與白歙人曾祖遷江都讀書精覈才識沉練生  
平兼修六行嘗葬先世十一棺重修宗祠之在歙者代  
完遠近族逋賦數千金倡同輩給江甘獄餅置救生船  
又獨給江甘儀徵遞解飯食廣育遺嬰士族子女不得  
所者撫育婚嫁之其他解推周卹之事尤多云  
吳家龍字步李世家歙縣遷江都襁褓而孤及長奉母  
以孝稱篤賦醕謹其於鄉黨緩急多所調卹每遇荒歉  
輒傾貲籌賑以樂善好施著事達

朝廷予爵鹽運副使乾隆三年歲饑助賑七千餘金七年  
復賑三千餘兩銓部題請議敘

增修甘泉縣志

卷十三

篤行

十六

累予加級紀錄嘗修揚郡之寶輪寺靜慧園整圯植廢  
梵宇藹然以及治道塗而便行人施纊襖以衣貧乏所  
費不可勝計凡所以見義勇爲而恐後者蓋根乎天性  
之肫篤家庭雍睦子孫孝友里閭咸以敦善行而獲報  
者首推之

以上原志

王仲駮字星駕居赤岸湖乾隆七年水溢民盜決隄有  
司擒治之有挾怨竄入其父名者逮甚急仲駮請以身  
代忼慨就繫大吏廉其枉曰爾不類犯法者仲駮請曰  
水溢六年矣隄決則死緩隄不決則死速隄決家一人

死隄不決合家且死天將雨螳尚知徙埳況人乎大吏曰然則決隄者爾也仲駮曰囚實不決隄然囚一人死得達民隱則諸囚或生囚不忍一人獨生而坐視諸囚之死也大吏爲惻然得請以免

申瀛字右敦籍陝之三原父大成工部侍郎大成以貲爲郎歷官中外不以家累自隨瀛最長侍母爲家督課弟攻舉業大成官京師十年出任嶺南山左者又七八年往來省覲率數千里以爲常時出其私以佐公家好友朋於貧交無所恡至稱貸應之母畏雷夏月雖就寢一聞雷聲卽倉皇倒屣伏榻前兩弟相繼舉鄉試侍郎

增修甘泉縣志

卷十三

篤行

十七

得一意奉公以植其家皆瀛之助也

林文連字聖與弱冠善屬文通五經大義不干仕進銳意詩古文詞藏書甚富多手自丹墨好施與爲德於鄉里者不倦子廷和以舉人官福建大田令嘗書聯寄勸之曰留意莫輕硃一點驚心切聽鼓三聲人爭傳之年八十四卒

焦率祖字履安歲貢生兄繹祖工騎射多才游京師給事康親王邸甚器使之數十年不得歸而卒率祖往迎喪王憫其兄將遂用之率祖臨喪不投謁再三使人導之來謝曰王恩沒世不忘但今日爲兄來見王則不

敬兄持兄喪而見王爲不敬王願以異日王益重之錫一金扇上有王小像諭曰有子弟入京可持此來也拜受之而卒不見司訓望江未幾卒安貧守默殆類獨行傳中人

耿元城字義瞻伯父世組父世紳義行並見省志及江都縣志元城爲諸生績學有名困於場屋以次膺貢家故饒承先世之傳一切睦族賙貧利濟之事先志贊成待同學尤摯月廩歲餼時其窮乏輒有常期資以贍養成就者不少而自處極約業漸減終不改年八十有六其亡也里黨無識與不識皆悼之子鹿廩貢生育仁今

任陝州知州孫曾多人學筮仕者人以爲天道不爽云管馭鶴字仲馭太學生好爲善于鄉邵埭永濟堂之初建也與叔管天聲同里蔣繼輅創始經營又於堂側建遺嬰堂自捐義塚地於埭南一切捨藥施棺周卹貧困之事力行無倦里黨稱仁

管宣字穎士父宏選見前志宣幼負奇氣十二賦雪佛詩長老皆大驚爲諸生每同社文會捉筆盡數紙讀書好漁獵尤長於史指畫山川形勝出沒掌中旣而落拓不遇間試於醫卽屢起危疾戶履恒滿然未嘗數數於方書也晨起尤急糞人所得輒緣手散之頽然自放以

卒

王鳴鹿字樂嘉在庠序間有名中年由邵伯移居城中知醫每赴人之急遇貴富人尤恥以技扳援和不徇俗介不戾世青袍布素視華膺無有也以次序貢子授兩舉副榜

焦葱字佩士焦氏在北湖世忠厚葱少讀書以病中輟喜施與家本不甚豐益以此減於孤寡尤加軫恤嘗有扣門夜謁者曰吾逋多賣屋以償子嘗厚我速往取遲將爲人所得葱艷然曰我豈迫人賣屋錢子何輕棄祖宅耶卒弗取嗜易筮多驗訓示子弟語皆可爲格言牖

增修甘泉縣志

卷十三

篤行

十九

世子循辛酉舉人

趙爲雲字扶青幼時析居卽讓產以勤儉成業友愛兩兄撫諸姪咸有恩代贖祖塋遺產及他子女之被鬻者事祖母偶以醉拂意遂終身持戒飲不過三爵晚喜靜坐年八十疾作謂家人曰余當以某日逝至期易衣冠正臥而卒平生爲善不樂人知而脫然於生死者又如

此文起字鴻舉世居北湖父移入城起小有幹濟才尤諳鹽筴條分縷析利害得失緩急輕重之數瞭瞭如指上紋鹽務諸長吏交倚重之遇溝渠閘壩興築大役縱橫

鈎稽纖毫不爽嘉慶六年修鹽法志運使曾公延請屬  
稿辭老不赴生平常以利濟爲心揚城各善舉每資其  
劈畫委曲贊成口不言功與兄俊白首友愛晚好靜養  
通性命之指子鍾英議敘提舉心芳河南通判

徐元軾字少坡邵伯人父開宏以勤厚起家有聲元軾  
兄弟八人齒最長自少承父業爲家督與諸弟友愛無  
間幼元方寅亮尤穎敏攻書服賈各執其業躬綜理內  
外巨細不以毫髮異視爲兩弟負笈從遊資助勗勵既  
而連掇甲乙科咸以爲兄所成就也家亦日擴里黨有  
公事率先輸勸無吝色終身爲市人而內行淳至子玉

增修甘泉縣志

卷十三

篤行

二十

立乙丑進士

以上續志

喬椿齡字書酉諸生少通經義尤深於易揲蓍累有驗  
善屬文以漢魏爲法性剛直廉介跬步必以禮居陋巷  
室甚貧苟非義雖周之不受阮文達公幼受業於椿齡  
督學山東迎椿齡至署卒於青州試院爲歸其喪於揚  
州

林述曾字季修監生優於才能初往浙佐阮文達公幕  
時海洋不靖凡勵兵濟餉持籌之力俱多嗣援例選授  
浙江武康縣在任未久以官爲苦遽告歸其畱別士民

有云歸來高臥夢魂安祇仗清風兩袖還子溥道光三十年進士官山東卽墨縣次鴻工書畫早卒家傳  
顧承熊字夢華諸生入學後試輒優等十赴鄉闈不售絕意進取性純孝生事死葬皆盡禮鄉里有婚葬困乏解推不吝歲暮每分修脯貸米以濟不足著有雄雉齋詩文集六卷雜體文二卷卒年七十子奎同治四年進士翰林院編修光緒元年典試貴州試畢卒於途姪筠道光十年副貢生

岑建功字紹周監生性勤謹好儒雅頗善居積每謂天之所厚不敢自私凡死喪孤寡無告者咸周給之每得

增修甘泉縣志

卷十三

篤行

二十一

異書必鳩工重刊如舊唐書輿地紀勝皆見珍於世傳畧

齊之福字履謙廩貢生署清河縣訓導未幾稱疾歸粵匪寇郡所居邵伯鎮中普濟堂留養所諸善舉幾廢之福以爲貧民託命之地籌畫經費維持之力居多卒年七十七子長庚咸豐二年舉人浙江候補道行述

符燮梅字子南貢生啟祥孫歷署江甯府學訓導六合睢甯沛縣教諭世居邵伯力行善舉普濟堂文節堂章程皆其詳定咸豐三年賊擾集練保衛捐資助餉十年小六堡隄決籌賑勸工無事不舉卒年六十有四家傳  
黃寅清字直夫監生世業醫刀圭所入凡親族之貧苦

婚嫁之無資者咸仰給焉粵匪竄揚郡寅清年逾六十猶躬督子弟辦理團防爲守望者倡鄉里賴之卒年七十九

以上府續志

王開業字子駿廩膳生世居赤岸湖事雜極孝篤信好學嘉慶間聲華藉甚徵士范凌夔爲之傳曰余久耳子駿名未之識道光丙戌就館湖濱授徒君亦館黃珏橋胡氏欲亟見而跡相左夏五月余觸熱徒步往訪過其齋中劇談痛飲一夕而別嗣是余游大梁渡河入洛往來於周鄭宋衛陳蔡之間西近太行北過宣府東至榆關望泰山臨易水駐燕京蹤跡徧萬里凡六載而歸歸

增修甘泉縣志

卷十三

篤行

二十一

時復與君相見於城而君學益懋年益老暇時輒聚首於談先生德輿家與星台文學縱橫文字日或一見或數見不見卽相覓形影隨之叩壓不異也君所居在城西名怡怡書屋舊爲高逸庵練塘兩先生讀書處逸庵無子君爲贅婿遂家焉繼配高孺人有淑德余禮之如嫂至則咄嗟辦飲食經年累歲不以爲厭孺人亦能詩與君閨中習倡和畧不示人余友康子伯山採入詩話中以爲梁孟之匹君軀幹甚偉顧恂恂似不能言古文師韓歐有真氣往來楮墨間時文寢饋於有明諸名家屢困棘闈時流莫之識唯學使周公系英亟賞之鑄諸

試牘行於世生平所爲文甚夥身後皆散失長子祖望  
元配生次連科高孺人生高孺人歿後連科亦殤君隱  
痛之未幾而君卒未幾而祖望陷城死前後十餘年間  
相繼淪逝唯祖望妻女有田十餘畝仍居湖濱猶憶癸  
卯仲春余與君游平山堂訪山僧僧具伊薄饌餐苜蓿  
盤襍被宿山上夜聞松濤謾謾聲徹旦清話不寐晨復  
棹舟返至蓮花橋薄寒中人東風甚急舟子打槳益力  
始達香影廊試茗厯厯若前日事乃粵賊犯廣陵後市  
朝一變不獨余家三峯草堂僅餘片石卽向君之故徑  
求所爲怡怡書屋者第見荒榛蔓草塞路而曩時詩酒

之場詢諸故老亦不能盡識斜陽獨立屏營久之不覺  
潸然涕下而猶幸君之先我逝也使君尙存於斯世則  
崎嶇奔走不知何若又豈獨余爲流離子也昌黎云人  
欲久不死而觀君之居此世者何也傷哉論曰北湖多  
隱君子豈不信哉余家自十世祖仲梅公避吳張士誠  
之亂由蘇遷揚之興化復於洪武三年占籍廟頭鎮終  
明之世凡九世與君所居赤岸湖相距僅十餘里耳以  
君之品學縱不能擢青紫顯名於朝而閉戶著書猶可  
與南英里堂諸通儒後先相埒乃賁志沒地其所撰述  
亦零落無復存者何其悲也然當滄海橫流之日而開

益猶能故紙搜求思以藏諸名山雖濁世哉可謂彬彬君子者矣

范徵貴字賜良性孝友家貧好施濟嘗獨修新城永勝街資不足典衣成之卒年七十八子顯文善八法工詩讀書不求仕進咸豐癸丑城破餓死有詩云西山薇蕨何須采留此丹之對古人孫用寬監生

陳先震字守堂又號侶蘭性孝友乾隆辛卯科舉人公車六上未第乙卯

恩科大挑籤掣國子監學正嘉慶乙丑會試加翰林院檢討戊辰會試加編修年八十一卒於京邸自甘勤儉不事

增修甘泉縣志

卷十三

篤行

一二十四

浮華自幼至老一言一行悉筆書之

常識字序東號西麗坤之孫事親極孝幼擅文譽嘉慶戊辰副榜行端言謹家居教授每展卷講義雖盛暑必正襟坐如對古人生徒多得指授益卒年五十

戴祖培字敬亭邑庠生性情方正友愛諸弟與阮文達公相友善文達公贈楹帖云兼金不受楊夫子大被同眠姜伯淮其生平梗概可想見矣

戴繼光字其暉太學生敬亭胞弟事兄恭爲人寬厚篤實鄉里稱長者道光十年馬棚灣隄決下河饑民船如蟻聚公出貲給散拯救無算送次子禮均應郡試鄰舍

泰州陳生嘉猷貧窶士也首場後卽擬歸繼光與陳素不相識見其文力止之助以資斧陳於是年府試第一入州庠子禮均字守和增貢生寬厚有父風與兄嘉孚白首同居友恭兼盡先後授讀數十年悉心講究其門人多登賢書捷南宮者

王季驄字雨乘邑庠生其兄仲駉篤行載府志驄孝友素有隱德篤信樸誠鄉里推爲長者年八十阮文達公書旣壽且康四字以贈之題曰吾鄉鴻儒端士心儀者三十年可想見其人矣卒年八十五

王增字繼文監生以子鈺保職膺二品

增修甘泉縣志

卷十三

篤行

二十五

封典生平有志爲善而力不逮道光時淮商立瓜州育嬰堂特聘董堂務增每於更靜周巡聽小兒啼聲以驗乳媪勤惰遇嬰有疾稱藥量水全活甚衆而一生矜矜仍以無力爲善賈志以歿光緒戊寅己卯間山西直隸歲大侵鈺保體先人之意助銀千兩循例請

給樂善好施字樣孫瀛分部郎中以籌捐出力加四品銜陶有柏住楊家塘嘗造船以濟人施地爲義塚臨終時檢篋中券悉焚之

余學號子顏樸實敦古誼淹通經史醫理尤精著有西野草堂詩文集咸豐戊午遇賊被害

趙中孚貢生性謙沖樂善鄉里稱長者子炳文附生同  
時有夏慶之文生張正柏均樂善不倦  
劉舉之監生父士馨郡庠生性至孝嘗割股以療母病  
舉之居下河顧家鄉時平田無圩岸因請示創圩以免  
水患一鄉田疇賴以保障子孫鵲起有登鄉榜入仕版  
者

陳昌熾字漢三國學生少孤貧奉母孝讀書通大義性  
廉介不慕榮利母疾侍牀蓐不暫離歿則哀毀骨立歷  
久不忘平生以睦婣任卹爲志兵燹家祠被燬昌熾乃  
集宗黨修譜牒捐資建祠以崇祭祀得子甚遲人以爲

積厚之報卒年七十有二子肇熙附貢生

史泐字深甫邵伯人中咸豐元年舉人天性孝友自安  
貧困春闈屢薦未售不求仕進時軍精孔急士紳多半  
請纓泐獨杜門謝客惟以成就後學爲志里中諸善舉  
無不秉公經理同治紀元當道舉泐孝廉方正力辭不  
就年近六旬卒子恩蔭庠生

徐彥林字次川玉舉次子一品

封典候選光祿寺典簿父宦遊京師彥林幼秉母教母韓  
本丹徒世族進士韓慎女也故敦本之學慈訓居多少  
長隨侍都門就試京兆屢薦不售遂留心經世之學時

粵氛未靖大江南北戒嚴吳門相國彭蘊章奏請於  
朝派彥林會辦江北團防與官軍聲勢聯絡由是賊不敢  
北犯邵伯大馬頭堤工傾圮時湖水泛漲當事延以修  
築費省而工固得以轉危爲安咸豐癸丑揚州克復彥  
林埋齒掩骼撫養災黎全活甚衆生平樂善好施凡捨  
藥施棺賑饑留養無不竭貲仗助縣令陳焯給以樂善  
可風扁額卒年七十有六里人哀之

以上新增

談晟北湖人世多隱德幼子應炳恩貢生

